

झानसेयारि "बड'सा" खरीरालाइयाव  
समाजयारि जिउजो लोब्बा थानाय रायथाय, खन्थाय,  
सल', सल'बाथा आरु देवबायारि थावनि, पार्क  
बाइदिनि स्यायाव लिउनाय लिउबिदां देथाय हर/  
झानसेयारि "बड'सा" खरीरालाइया खेबरानाने  
फोसावगोब।

बड'स्यायाव लिउहरनायनि हुबा खालाम,  
"बड'सा" खरी नोथां, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमाल लामा

कक्राझार, बिटिसि-783370

Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Saturday ★ 3 October, 2020 Kokrajhar, BTC, Assam ★ Vol.- 30, Issue No. 189 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## भबानिपुरआव कंग्रेसया गान्धी जयन्ती फालिदों

भबानिपुर, 2 अक्ट'बर: भबानिपुर ब्लक कमिटीनि बानजायनायाव दिने भबानिपुराव थानाय राजिव भवननि गेदेमा सुबु महात्मा गान्धीनि सावगारिनि (□ 4 बिलाइआव)

## हाथरस जिनाहारि जाथायखौ राजखान्थि महर होनो नाजादों

लखनौ, 2 अक्ट'बर: उत्तर प्रदेशनि हाथरस मुनि जायगायाव नुजाथिनाय जिनाहारि जाथायखौ लानाने दासान्दि दाथे-बिदाथे जानाय आरु राजखान्थि महराव (□ 4 बिलाइआव)

## बागसानि सा 437 फरायसाफोरनो आनन्दराम बरुवा बान्था गथायदों

मुसलपुर, 2 अक्ट'बर: दिने माहारियारि बिफा महात्मा गान्धीनि 151 थि जोनोम सान। बे सानजों लोब्बा लाखिनाने दिने हादतनि गुबुन गुबुन ओन्सोलजों लोगोसे बिटिसिनि गुबुन गुबुन (□ 4 बिलाइआव)

## कक्राझार सरकारि फरायसालिमायाव गान्धी जयन्तीखौ लोब्बा लाखिनाने साफाय हाबाफारि

कक्राझार, 2 अक्ट'बर: कक्राझार सरकारि फरायसालिमायाव गान्धी जयन्ती फालिनायजों लोब्बा लाखिनाने फरायसालिमानि केम्पासआव साखोन-सिखोन खालामनाय एबा साफाय खालामनाय हाबाफारिखौ खुडे। फरायसालिमानि स्वच्छ भारत अभियान बिफानआ आइकिउएसि, एनसिसि, (□ 4 बिलाइआव)

## बागसानि जालाहयाव दुलाराइ बर' फरायसा आफादआ महात्मा गान्धीनि 151थि जोनोम सान फालिबाय

गासैबो हारि माहारिनि सुबुफोरनो अहिंसा आरु गोजोनखौ गोर्बोआव लानाने सिगां लानांगोन: समुद्र गुप्त काश्यप

कक्राझार, 2 अक्ट'बर: दिने मिरु दुलाराइ बर' फरायसा आफाद आरु बागसा जिल्ला दुलाराइ बर' फरायसा आफादआ जुथायैनो माहारिनि बिफा महात्मा गान्धीनि 151 थि जोनोम सान आरु मुलुगनां अहिंसा सानखौ बागसा जिल्लानि सिडाव थानाय जालाह हालामनि लोक्षी मन्दिर फोथाराव खुंफुनाय



जायो। फुबिलि समाव दुलाराइ बर' फरायसा आफादनि गाहाय नेहाथारि लरेन्स इसलारिनि देदेन्नायाव आर'ज गावनाय हाबाफारिनि गेजेरजों गान्धीनि 151 थि जोनोम सान फालिनाय फोर्बोया जागायजेनो। बेनि उनाव माहारिनि फिफला बिहोनायजों (□ 5 बिलाइआव)

## डिसेम्बर दाननि गेजेराव बिटिसिनि बिसायख'थिखौ खुंहेनो हानाय जागोन: हिमन्त

गुवाहाटी, 2 अक्ट'बर: आसाम सरकारनि देहा आरु रांखाथि बिफाननि मन्थि ड० हिमन्त बिश्व शर्माया बुनाय बायदिल्ला कभिड-19 नि थाखाय दिन्दांनाने थानाय बिटिसिनि बिसायख'थिखौ फेगो डिसेम्बर दाननि गेजेराव खुंहेनो हानाय जागोन। बे बाश्राखौ (□ 5 बिलाइआव)



## थानाय 17 बोसोरनाइ' गेना खालामनायनि हेँथायै इउपिपिएल दोलोया धर्ना हाबाफारि खुंदों



सालाकाटि, 2 अक्ट'बर: सालाकाटियाव दिने बिपिएफ दोलोआ थाबेनो बिसायख'थि खुंनो दाबिनानयनि बेरेखायै इउपिपिएल दोलोआ बिटिसियाव जालानाय एमजिएनरेगानि गेना आरु जाखल'नायखौ सिबिआइनि गेजेरजों संदानो दाबि देखांनाने मैखोमै सोमावसारो। नोजोर होथाव बाश्रादि, सालाकाटियाव बिपिएफ (□ 5 बिलाइआव)

## एमजिएनरेगायाव सोमजिनाय गेनाखौ सिबिआइनि गेजेरजों संदानो कक्राझाराव इउपिपिएल दोलोनि धर्ना

कक्राझार, 2 अक्ट'बर: महात्मा गान्धीनि 151थि जोनोम सानजों लोब्बा लाखिनाने इउपिपिएल दोलोआ दिने कक्राझाराव 6 घन्टा धर्ना होयो। बिटिआरनि राजथावनि कक्राझाराव बारग' बिपिएफ देदेन्नाय बिटिसि सरकारनि आमोलाव गोबांथार जाखल'नाय जानायनि अजद लाबोनाने बे जाखल'नायफोरखौ सिबिआइनि (□ 5 बिलाइआव)



## 650 कौटि रानि गेनाखौ सिबिआइनि गेजेरजों संदानो दाबि देखांनाने जिल्लानि गुबुन गुबुन बियाबफोरार इउपिपिएलआ सोमावसार हाबाफारि खुंदों

कक्राझार, 2 अक्ट'बर: कक्राझार जिल्लानि सिडाव थानाय गुबुन गुबुन बियाबनि सिडाव इउपिपिएल दोलोआ एमजिएनरेगानि आवथायाव जालानाय जब कार्डनि खेलेखारिखौ सिबिआइनि गेजेरजों संदानाने जब कार्ड गेनाजों लोब्बा थानाय सरकारि बिबानगिरि आरु बे खेलेखारिजों लोब्बा थानाय राजखान्थि दोलोनि देदेनगिरि आरु मावथिफोरखौ आइनि गेजेरजों साजा होनांगोनि जाबियाव दिने महात्मा गान्धीनि 151 थि जोनोम सानजों लोब्बा लाखिनाने इउपिपिएल (□ 5 बिलाइआव)

## एमजिएनरेगायाव सोमजिनाय गिलु-बालु जाखल'नायखौ सं दानांगोनि दाबिजों इउपिपिएल दोलोआ सालबारियाव सोमावसारदों



भबानिपुर, 2 अक्ट'बर: दिने महात्मा गान्धीनि जोनोम सानजों लोब्बा लाखिनाने गान्धी जयन्ती फालिनाय हाबाफारियाव इउपिपिएलनि देदेनगिरि आरु मदतगिरिफोर थानाय 17 बोसोर बिटिसिआव जालानाय गिलु-बालु गेना आरु जाखलनायनि हेँथायै मैखोमै सोमावसारो। 300 निबो बांसिन इउपिपिएलनि देदेनगिरि (□ 5 बिलाइआव)

## प्राइज मानि एटलेटिक्स बादायलाय- नायखौ गिबि मन्थिआ बेखेवनाने होबाय

दिसपुर, 2 अक्ट'बर: गिबि मन्थि सर्बानन्द सनवालआ गुवाहाटीनि जस गेलेग्रा फोथाराव आसाम एटलेटिक्स एससियेसन, आसाम अलिम्पिक एससियेसन आरु आसाम सरकारनि गेलेमु बिथोनगिरि फारसेनिफ्राय जुथायैनो लाजानाय प्राइज मानि एटलेटिक्स बादायलायनायखौ दिने बेखेवनाने होयो। मख'जाथावदि, कभिड-19 (□ 5 बिलाइआव)



## जोनोम सानाव माहारिनि बिफा गान्धीखौ गोसोखांनाने गिबि मन्थिआ मान बाउदों

दिसपुर, 2 अक्ट'बर: हारिनि मन्डपआव थानाय हारिनि बिफानि बिफा महात्मा गान्धीनि 151थि मुसुखायाव गोजोननि बाथि जोनोम सान फालिनायनि लोब्बायै फोजोनयजों बिबार बाउयो। बेनि गिबि मन्थि सर्बानन्द सनवालआ लोब्बायै कामरुप नोगोरमानि दिने गुवाहाटीनि गान्धीनि (□ 5 बिलाइआव)

## बिटिसिनि बिसायख'थि खुंनो दाबिनाने बिपिएफआ धर्ना खुंदों

बरमा, 2 अक्ट'बर: बिटिसियाव थुंगेनो गोनां राइज्यो बैगिरिनि खुंथाय मुसुखायाव गोजोननि बाथि समखौ फोलावनायनिफ्राय जानागराव थानो आरु अक्ट'बर (□ 5 बिलाइआव)



## हादतयाव कभिडजों सन्देर जानाय पजिटिभ केसआ 63 लाखनि बांसिन जाहैबाय

## 53 लाखनिखुइबो बांसिन सुबुफोरा फाहामथायनि गेजेरजों मोजां हालोदआव फेदों

गोदान दिल्ली, 2 अक्ट'बर: मुलुगनि गुबुन गुबुन हादतफोरनि गेजेरारु भारतयाव दासान्दि कभिड-19 नि गोसारनाया गिथावनायै सोलिगासिनो दं। सुलुनिफ्राय मिथिनाय बादिब्ला दासिम भारतयाव कभिड-19 जों सन्देर जानाय सुबुफोरनि अन्जमाया 64 लाखनि बांसिन जाबाय। बेजों लोगोसे 53 लाखनिखुइबो बांसिन सुबुफोरा (□ 5 बिलाइआव)

फाहामथाय लानायनि गेजेरजों मोजां हालोदआव फेफिनो हादों। हादतयाव कभिड-19 नि गोसारनायखौ होबथानो थाखाय सरकारजों लोगोसे गुबुन गुबुन बिगियान एजेन्सिफोरा भेक्सिन दिहुनानयनि फासैं नांथाबबाय थानायनि अनगायैबो कभिडनिफ्राय रैखाथि मोन्नाय माखासे गोनां मुवा-बेसादफोरखौ (□ 5 बिलाइआव)

## सालबारियाव बिपिएफआ धर्ना सोमावसारदों

भबानिपुर, 2 अक्ट'बर: महात्मा गान्धीनि दिने जोनोम सानखालिनो सालबारि महकुमाआव मोनथाम दाबिखौ लानाने सोमावसारनाय हाबाफारिजों फालियो बिपिएफ हानजानि देदेनगिरि आरु मावफारियाफोरा। मखनो गोनांदि, बिपिएफनि सालबारिआव थानाय मावखनि लोंगोनायाव हानजानि सालबारि जिल्ला आफादनि बानजायनायाव साननि 10 रिगानिफ्राय बेलासि 2 रिगासिम (□ 5 बिलाइआव)



गासै ब्रै घन्टा सोमावसारनाय फेगौ 27 अक्ट'बरनि सिगांनो बिटिसिआव बिसायख'थि हाबाफारियाव सोलिफु बोसोरनि (□ 5 बिलाइआव)

## गान्धी जयन्तीनि सानाव गसाइगावनि राइजोयारि गोथैसालिखौ सिबिआइनि

कचुगाव, 2 अक्ट'बर: गासै हादत आरु राइज्यो नाडैनो माहारिनि बिफा महात्मा गान्धीनि 151 थि जोनोम सानखौ गान्धी (□ 4 बिलाइआव)

## गान्धीनि जोनोम सानखौ लोब्बा लाखिनाने बिफां फुलि गायनाय, साखोन-सिखोन हाबाफारि खुंदों

बासुगाव, 2 अक्ट'बर: हारिनि बिफा महात्मा गान्धीनि दिने 150थि जोनोम सानखौ हादतनि गुबुन गुबुन जायगाफोराव फालिनाय बादिनो बे सानखौ (□ 5 बिलाइआव)

कक्राझार जिल्लानि सालाकाटि ओन्सोलावबो फालिनाय जायो। सालाकाटिनि सिडाव थानाय जरेगाव पदसापारानि माखासे समाज मावफारिफोरनि बानजायनायाव दफां गायनाय आरु सिगाइव गायनाय दफां फुलिफोरखौ साखोन-सिखोन खालामनायनि गेजेरजों बिफां (□ 5 बिलाइआव)

# सुजुगिरिनि खोलोम

## करना भाइराआ बयखौबो सांग्रां जानो फोरोंदों

दासान्दि हादतनाडै करना भाइरासनि गोसारनाय आरो सन्देरनाया जिमायाखैब्लाबो खुंथाया बावैसो सिगां फोसावनाय आनलग-5 नि गेजेरजो माखासे नेमखाथिफोरखौ गोखौयै लाखिनानै गुबुन माखासेखौ मोनसेनि उनाव मोनसे फारि-फारियै फुरंसांनै सुबुंफोरनि सायाव होबथानायखौ बोखारनायनि लामा लानाय नुनो मोन्दों। बोथोरा सानफा एफा सोलायनानै गुबुन गुबुन महर लानाय बादिनो करना भाइरासनि गोसारनाय आरो सन्देरनायाबो सानसेनि उन उन गुबुन गुबुन रोखोमनि महर लानो हमदों। करनानि बे थासारिखौ दहाय होनानैनो बिटिसि (दासान्दि बिटिआर)नि बिसायख'थि खुंनयनि बागै रोखा थांखि लानायखौ नुनो मोन्नाय जायाखै। फासैथि बिटिआरनि बिसायख'थि खुंनो दाबिनानै माखासे दोलो आरो आफादफोरा बाइदिसिना हाबाफारिनि गेजेरजो सोमावसारनायबो नुनो मोन्नाय जादों। बे समनि गेजेरावनो बिटिआरनि बिसायख'थि खुंनो हानाय थासारि गैया होन्नानै बिटिआर बिसायख'थिखौ सोलिफु दाननि जोबथा दानाव खुंनो राहा लानायनि फोसावनायबो नुनो मोन्नाय जादों। बेनिफ्राय रोखा जानो हायो- बिटिआरयाव राजखान्थि दोलोफोरनि गेजेराव बिसायख'थियारि बार बारनाय आरो फोसावदिनायनि दोहौ सोमजिनायाबो जोबनायनि लामा लाफैबाय। बेराफासै बिटिसियाव राइज्यो बैंगिरिनि खुंथाय समआबो सोलिफु दाननि नैजिस्ति अक्टनि गेजेरावनो थुंगेफेगोन। बेनि उनाव फिन आरोबाव राइज्यो बैंगिरिनि खुंथायखौ बिसायख'थि खुंजासिम जाबसिनायनि गोनांथि फैबावनो हागौ। बिब्दि थासारि फैयोब्ला बिसायख'थिनि मिजिं फैथावया।

गोबांथारै सन्देनो लानाय करना भाइरासनि बे थासारियानो दिने मुलुगनि सुबुंफोरखौ गोबां लामाजो सोलिनानै थाना थानो फोरोंबाय। जिउ खुंनयनि राहा-लामाजो लोगोसे आदोब-खौसल, थानाय-जानाय, मावनाय-दानाय जेरावबो-जेरैबो गोदान सोदोब, गोदान सोलो-आखु बाहायनो-सोलोंनो फोरोंलांबाय। करना भाइरासनि थासारियानो दिने सुबुंफोरखौ गावखौनो गाव सांग्रांथियाव थानानै गावजो लोगोसे नख'र, न'सुं, गामि, ओन्सोल, राइज्यो-हादतजो लोगोसे दुलाराय मुलुगनि सुबुं माहारिनि जिउ रैखाथि होनायनि बाइदिसिना नेमखाथि फालिनानै करनाजो जुजिनायाव नांथाबनायनि बाश्राबो सोलोंने होबाय।


# दिनेनि फानजामुधि

**राशि बाइदियै मुंनि गिबि हांखो**  
 मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

- मेष:** गावनो गाव सांग्रां जायाब्ला जेनाआव गोलैनो हागौ। फारफ्रोमथिबो नोजोर होनाया मोजां।
- बृष:** हमथानानै सोलियाब्ला नांगौनि बारा रां खरसा जानो हागौ। सांग्रां जानानै सोलिनाने।
- मिथुन:** सोरनिबा सिद्धव थानायनिफ्राय उदां जानो हागोन। सान्नायफोरा जाफुंसारगोन। मोजां सान।
- कर्कट:** गावनि मोजां आखुनि थाखाय बयनिबो थुलुंगाखानाय मोनगोन। गोसोआव जौगानाय फैगोन।
- सिंह:** नख'रनि बयबो गोरोबलायनानै थानो हागोन। सुख-सान्थियै दिनखो बार हरनो हागोन। मोजां दिन।
- कन्या:** बायदिसिना जेनाखौ लानानै जिंगा सिफलांनो हागौ। गोसोखौ लोरबां दाखालाम। गोसो हमथा।
- तुला:** जेरावखि जाया मानो दावबायहैनो मोनगोन। रंजा-बाजाजो लोगोसे मुलाम्फाबो मोनगोन।
- वृश्चिक:** गावनि मोजां रंग'थिनि थाखाय बयजोबो सन्मान होजागोन। गोसोखौ जौगानाय मोनगोन।
- धनु:** बोरैबाफोर देहाया जोखोम जानो हागौ। जेरावखि थाया सांग्रां जानानै थानांगोन।
- मकर:** मोनफ्रोमबो मोजां खामानिखौ मावनानै लानो हागोन। जेरैथिबो जौगानाय फैगोन। मोजां सान।
- कुम्भ:** गोबाव समनिफ्राय आसा खालामानानै थानायफोरा जाफुंसारगोन। गोसोआ गोजोन मोनगोन।
- मीन:** बादायोब्ला मोनफ्रोमआवबो देरहासार जानो हागोन। गोसोआव जौगानाय लाबोगोन।

# स्वराजआनो गान्धीजीनि थानानै थानायनि गाहाय मोन्थोरमोन

गोदान दिल्ली, 2 अक्ट'बर : गान्धीजीखौ सुबुंनि मोजां हाबाफारि मावग्रा राफोदाय महरै गोसोखानाय जायो। स्वराजया गान्धीजीनि जिउनि नेमखाथि, जायखौ गोसो गोथारयै हाबाफारि मावनानै मोन्नो हायो। बियो स्वराज आरो स्वच्छतानि हाबाफारिखौ गोखोडै मावयोमोन। गान्धीजीआ स्वच्छता अभियान आरो आइजोफोरनि जौगाखानायनि हाबाफारिबो मावदोंमोन। बियो मोनथिनो मोन्दोंमोनदि, उदांमिनि नंगुबे दावहानो थाखाय न'निफ्रायनो जागाय जेननांगोन। बेनि थाखायनो बियो गावनि हेफाजाबगिरिफोरखौ लानानै आइजोफोरखौ जांखिखां होदों। लासै लासै आइजोफोरा गान्धीजीनि स्वच्छता अभियानजो



सोमोन्दो लादों। गान्धीजीआ आइजोफोरनि फोथायनायखौ देरहानो हादों आरो आइजोफोराबो बिन गोसोखौ सिफाया लासे न'निफ्राय ओंखार बोनानै सत्याग्रहयाव बाहागो लादों। बिन नोजोराव आइजोफोरनावाबो हौवाफोरखौ समान गोहो दं। स्वच्छतानि फासै सुबुंफोरखौ जांखिखां होनायनि उननि थांखिया जादों समाजयाव साखोन-सिखोन आरो मोजाडै सोलायनायनि थाखाय सुबुंफोरनि बिहोमा होनाया गोनांथार। आइजोफोरखौ रांखाथि फारियै गोखौ खालामनानै गावनि आथियाव गसं होनो जन्थरखौ रान्नानै होदों।

# गाहाय मन्थि मदिनि महाबली उरां जाहाजआ भारतआव सौफैबाय



गोदान दिल्ली, 2 अक्ट'बर: गाहाय मन्थि मदिनि थाखाय आमेरिकायाव थियारि खालामनाय जर्'खा उरां जाहाज बइंग 777 आ थानाय बृहस्पतिवारखालि बेलासिनि 3.00 रिंगायाव दिल्लीनि हारिमायारि उरां गाथोनआव बाग्लायबाय। आमेरिकानि हादरगिरिनि एयारफर्स वन बायदि गोहोजो बानायनाय बे उरां जाहाजआव माखासे जर्'खा सुबिधाफोर दड। बे उरां जाहाजखौ गाहाय मन्थिनि अनगायै हादरगिरि रामनाथ

सालायग्रा मिसाइलफोरखौ फोजोबस्त्रानोबो हायो एबा बे उरां जाहाजनि सायाव मिसाइलजो गाग्लोबनाया गोहोम गोलैनाय नडा। बे उरां जाहाजनि मोनसे बाहागोआव जेमर लागायनाय दड, जाय सुथुरनि राडार सिगनेलखौ बारनो हायो। बेयाव बारवनो थाव सोनायनि गोहो दड। बेयाव खेबसे थाव सोनायजो नो आमेरिकानिफ्राय भारतसिम गोलाव उरायबोनो हायो। सुलुंनि बादिब्ला, भारतआ थानाय फेबुवारी दानआव आमेरिकानिफ्राय 8,400 कौटियनि बेसेनजो बेबादि गनै उरां जाहाजफोरखौ डिल खालामदोंमोन। आथिखालाव नैथि उरां जाहाज आगमनआबो थाबैनो सौफैनो हासिगौ। बे सुपार प्लेनखौ भारतयारि अखांमा सान्थिआ अपाेटे खालामगोन।

# गाहाय मन्थि मदिआ ट्राम्पमोननि गाहामाव फैनयनि इसोरनाव आर'ज गाबदों

गोदान दिल्ली, 2 अक्ट'बर: आमेरिकानि हादरगिरि डनाल्ड ट्राम्प आरो बिथानि अन्जालि बिसि पास्ट लेडी मेलानिया ट्राम्पनि करना टेस्ट नायनाय रिपर्ट आ पजिटिभ फैदों। हादरगिरि ट्राम्पआ बे बाश्राखौ गावनो दुइटाव मिथि होदों। बेनि उनाव भारतनि गाहाय मन्थि मदिआ दुइटाव हादरगिरि ट्राम्पमोननि देहाया थाबैनो मोजाडव फैनयनि आर'ज गाबदों। गाहाय मन्थिआ




दुइटाव बुंदों, आंनि लोगो डनाल्ड ट्राम्प आरो बिन बिसि पास्ट लेडी मेलानिया ट्राम्पनि देहाया थाबैनो गाहामाव एफेनायनि इसोरनाव आर'ज गाबो। बेनि सिगां ट्राम्पआ दुइटाव बुंदोंमोन फास्ट लेडी आरो आंनि करना टेस्ट रिपर्ट पजिटिभ फैदों। जो कुवारेन्टाइन आरो फाहामथयनि हाबाफारिखौ थाबैनो जागायगोन। जो जयै लोगो नांनो बेनिफ्राय बारग'गोन।

# सुल्तानपुर बर्ड सेंक्सुएरिआव ब्लेक नेक स्टार्कखौ नुनो मोन्नाय जायो

गोदान दिल्ली, 2 अक्ट'बर: सुल्तानपुर बर्ड सेंक्सुएरिआ गुरुग्रामनि सुल्तानपुर गामियाव दं। 1.5 बर्ग कि:मि: गोजानआव गोसारनानै थानाय बे बर्ड सेंक्सुएरिआव गुबुन हादरनि दावफोरा बाफैनायनि थाखाय मिबथिनो मोन्नाय जायो। बेवहाय रोजा रोजा दावबायारिफोर आरो दावफोरखौ मोजां मोनग्रा सुबुंफोरा दावबायहैयो। बेवहाय मा 250 रोखोमनि दावफोरखौ नुनो मोन्नाय जायो। गोमालानो नागिरनाय दावब' (ब्लेक नेक स्टार्क) आ बोसोरफ्रोमबो फिसा जोनोम होयो। पेरिड स्टार्क आरो गुबुन हारिनि दावफोराबो बेवहाय फिसा जोनोम होयो। गुसु बोथोराव साइबेरिया, इउरप, गेजेर एसिया, रूस बादि हादरफोराव बरफ लाथा खानानै थायो। गोबां गुसु जानायनि जाहोनआव बेवहायनि दावफोरा रजस्तान, गुजरात आरो भारतनि बोरिमा ओन्सोलाव बिरबोयो। इन्दिरा गान्धी इन्टरनेसनेल एयारपर्टनिफ्राय सुल्तानपुर बर्ड सेंक्सुएरिआ 48 कि:मि: गोजानआव दं। दिल्ली एयारपर्टनिफ्राय बेवहायसिम सौहैनो थाखाय गोलेँयैनो टेक्सिखौ मोन्नो हागोन। गुडगाव जंक्सननि खाथियाव रेलवे स्टेसन दं। मेट्र स्टेसननिफ्रायबो बेवहाय थानो हागोन। रेलवे स्टेसनआव केब आरो टेक्सिखौबो गोलेँयैनो मोन्नो हायो। दिल्लीनिफ्राय गुडगावसिम सरासन्ना बासफोरखौबो मोन्नो हायो। टेक्सि बुकिं खालामनानैबो सुल्तानपुर बर्ड सेंक्सुएरिआ सौहैनो हायो।

# महात्मा गान्धी आरो लाल बाहादुर शास्त्रीनि जोनोम सानाव मुंदांखा सुबुंफोरा मान बाउदों

गोदान दिल्ली, 2 अक्ट'बर : हादरनि बिफा महात्मा गान्धी आरो हादरनि आगुनि गाहाय मन्थि लाल बाहादुर शास्त्रीखौ हादरआ गोसो खाडो। मख'नो गोनांदि, थानाय 2 अक्ट'बराव आगुनि गाहाय मन्थि आरो महात्मा गान्धीनि जोनोम सान। बे समाव हादरगिरि रामनाथ कबिन्द, गाहाय मन्थि नरेन्द्र मदिजो लोगोसे गोबां गिदिर मुंदांखा सुबुंफोरा बिसोरनो बिबार बावयो। बेनि गेजेरजो हादरगिरि रामनाथ कबिन्दआ महात्मा गान्धीखौ गोसो खानानै दुइट खालामनानै लिरोदि, दिने गान्धी जयन्तीनि सानआव भारत हादरनि फासैनिफ्राय हादरनि बिफा महात्मा गान्धीनो बिबार बावयो। सैथो अहिंसा आरो अन्नायनि बिन खौराड समाजव समानथि आरो जौगाखानायखौ गायसन्ना



मुलुग नाडै मोजांनि लामा दिन्थिलादों। बिथाडा गासै सुबुंफोरखौ थुलुगा होलादों। बे समाव हादरगिरि बिथाडा हादरनि आगुनि गाहाय मन्थि लाल बाहादुर शास्त्रीखौबो गोसो खानानै दुइटाव लिरदोंदि, आगुनि गाहाय मन्थि लाल बाहादुर शास्त्रीनि जोनोम सानाव बिथानि गोसोखां खाम्फाखौ खुलुमो। बिजो लोगोसे गाहाय मन्थि नरेन्द्र मदिआ बिजय घाटआव लाल बाहादुर शास्त्रीनो बिबार बावयो। बेनि अनगायैबो गाहाय मन्थिआ दिने महात्मा गान्धीखौबो गोसोखानानै बिबार बावयो। बिथामोनजो लोगोसे हादरनि माखासे मुंदांखा सुबुंफोराबो हादरनि बिफा महात्मा गान्धी आरो लाल बाहादुर शास्त्रीनो बिबार बावदों।

# हादरगिरि रामनाथ कबिन्दआ 71 थि टिबि सील केम्पेनखौ बेखेवनानै होबाय



गोदान दिल्ली, 2 अक्ट'बर: हादरगिरि रामनाथ कबिन्दआ शुरुबारखालि 71 थि टिबि सील केम्पेनखौ बेखेवजेनो। बिताडा रास्ट्रपति भवनआव द्युबारकुलसिस एससिएसन

फोजोबस्त्रानायनि थांखियै बे अभियानखौ जागायदों। गाहाय मन्थि मदिआ टिबिखौ हादरआव 2025 सिमाव फोजोबस्त्रानायनि थांखाय हाबाफारि जागायबाय। मख'जाथावदि, मिरुनि देहा मन्थि डू हर्षबर्धनआ हुनि गाहाय गाहाय हादरफोरनि मन्थिफोर आरो इउएननि एजेन्सि आरो हेफाजाबगिरि फसंथानफोरनि थान्दैफोरजो जथुमनानै गाहाय मन्थि मदिनि दैदेन्यायाव भारतआ टिबिखो हादरनिफ्राय 2025 सिमआव फोजोबस्त्रानायनि हाबा मावदों होन्नानै फोरमायो।

# वन नेसन-वन रेसन कार्ड यजनाजो दासिमाव दर 28 राइज्योफोरखौ सरजाबबाय

गोदान दिल्ली, 2 अक्ट'बर : तामिलनाडु आरो अरुणाचल प्रदेशखौ वन नेसन-वन रेसन कार्ड' बिथांखिआव सोसनबाय। बेनि गेजेरजो सरजाबनाय गासै राइज्योफोर आरो मिरुजो खुंजानाय राइज्योफोरनि अन्जिमाया 28 जाहैबाय। मिरुआरि जाग्रा आदार बिफानआ मोनसे बिबुंथि फोसावनानै बेनि खौरां होयो। बे बिथाखिनि गेजेरजो बेनि मुलाम्फा लाग्राफोरा मोनसेल' रेसन कार्ड बाहायनानै एनएफएसएनि गेजेरजो हादरआव जायखि जाया गलानिफ्राय जाग्रा आदार बायनो हागोन।



आपग्रेडसन आरो सेन्ट्रल इन्टिग्रेटेड मेनेजमेन्ट पाब्लिक डिस्ट्रीब्युसन सिस्टे म (आइएम-पिडिएस) जो लोगोसे दंफायो। बे बिथांखिजो सरजाबखानाय राइज्योफोरा आरो मिरुजो खुंजानाय राइज्योफोरनि गेजेराव अरुणाचल प्रदेश, अन्ध्र प्रदेश, बिहार, गवा, गुजरात, हरियाणा, हिमाचल प्रदेश, झारखान्ड, केरला, कर्नाटक, मध्य प्रदेश, महाराष्ट्र, मिज'राम, उरिष्वा, पान्जाब, राजस्थान, सिक्किम, तामिलनाडु, तेलंगाना, त्रिपुरा, उत्तर प्रदेश, जम्मु-काश्मीर, मणिपुर, नागालेन्ड, उत्तराखान्ड, बायदिफोरा दंफायो।

# मुलुगनाडै 3 कौटि 42 लाखनि बांसिन जाबाय इन्फेक्सननि अन्जिमाया

वाशिंग्टन, 2 अक्ट'बर: मुलुगनाडै करना भाइरास इन्फेक्सननि केसआ 3 कौटि 42 लाख बारबाय आरो थैनाय इन्फेक्सननि अन्जिमाया 10 लाख बारबाय। इउनिभासिदिनि सेन्टार फर सिस्टेम्स साइन्स एन्ड इन्जिनियारि (सिएएसएड) आ गावसोरनि गोदानै बानायनाय डायटयाव बेनि खौरांखौ होयो। बिसोरनि बादिब्ला, थानाय शुरुबारखालि फुंसिमाव मुलुगनाडै इन्फेक्सननि केसआ 3,42,00662 जाहैबाय आरो बेजो थैनायफोरनि अन्जिमाया 10,21,709 जाहैबाय। मख'नो गोनांदि, कभिड-19 आ बयनिखूइ बांसिने आमेरिकायाव गोहोम गोलैयो आरो बेनि उनाव भारतआ इन्फेक्सननि केसआव नैथि थाखोआव सौहैबाय।

## आसामआव सा 34 रोजानिबो बांसिन एक्टिभ केस दडः हिमन्त

### अरुनाचल प्रदेशआव पजिटिभ केसआ 10 रोजा जाहैबाय

गुवाहाटी/इटानगर, 2 अक्ट'बर: हादरनि गुबुन गुबुन राइज्योफोरनि गेजेराव सा-सान्जा भारतनि राइज्योफोरबो कभिड-19 जौ सन्देरजानाय सुबुंफोरनि अन्जिमाया दासिम गोबां जाहैबाय। सा-सान्जा राइज्योफोरनि गेजेराव दासिम आसामावनो बांसिन सुबुंफोर कभिड-19 जौ सन्देरजादो आरो जिउ गोमादो। दिनै राइज्यो सरकारनि देहा बिफाननि मन्थि हिमन्त बिश्व शर्माया टुइटरनि गेजेरजो फोरमायनाय बादिब्ला, आसामाव थानाय 24 घन्टानि गेजेराव सा 14 सुबुंफोर जिउ खहा जादो। कभिड-19 जौ सन्देरजानाय सुबुंफोरनि अन्जिमाया राइज्योआव जागायजेनायनिफ्राय दासिम 1,82,396 सिम जादो। बेनि गेजेराव बांसिन सुबुंफोर देहा फाहामथाय लानायनि गेजेरजो मोजां हालोदआव फैफिनानै



न'फार्सि गिदिंलांफिनो हादो। मन्थि शर्माया बुडोदि, थानाय 24 घन्टानि गेजेराव फाहामथाय लानायजो सा 1,904 सुबुंफोर उदां जानो हादो। सानफ्रोमबो कभिडनि हेथायै जुजिनानै देरहानायजो मोजां हालोदआव फैफिनानाय आरो गोदान गोदानै सन्देरजानाय सुबुंफोरनि रिपटखौ मिबथिहोनानै मन्थि शर्माया टुइटरआव बुडोदि, दासिम

आसामाव 34,163 एक्टिभ केस दडः नाथाय थानाय 24 घन्टानि गेजेराव गुबुन सा 14 बेरामिफोरखौ लाफानानै राइज्योआव दासिम 711 सुबुंफोर जिउ खहा जाबाय। मन्थि शर्माया कभिड-19 नि गोसारनाय थासारनि समाव देहा फाहामथाय हान्जाया जिरायनाय आरो मेनाय गैयालासे सानफ्रोमबो बेरामिफोरखौ फाहामथाय होनायखौ गोग्गानाय आरो गोजोन्नाय फोरमायदो। मख'नो गोनांदि, थानाय 24 घन्टानि गेजेराव जिउ गोमानाय सुबुंफोरनि मुड फारियै रतन बाकालिवाल (57),

कणैल तापा (53), पुमा कानवार (70), निकिल धर (77), मुहियुल्लाह आली (60), भानु शर्मा (64), सांस' घष (78), पादुम चन्द्र बरुवा (53), अनजन शइकिया (48), मंगलदेब प्रसाद (62), मुकुल नेवक (48), प्रकाश तडन (80), बिकाश आग्रवाल (71) आरो चन्द्रबाला दास होनानै मिबथिनाय जादो। गुबुन फार्सिंथि सा-सान्जानि अरुनाचल प्रदेशआवबो सानफ्रोमबो कभिड-19 नि गोसारनायजो सुबुंफोरनि सन्देरजानाय गोदान गोदानै मोनो हादो। मिबथिनाय

बादिब्ला थानाय 24 घन्टानि गेजेराव अरुनाचल प्रदेशनि गुबुन गुबुन जिल्लानिफ्राय गोदानै सा 224 पजिटिभ केसखौ मोनो हानायजो राइज्योआव कभिडजो सन्देरजानायनि अन्जिमाया 10,020 सिम जाहैबाय। अरुनाचल प्रदेशनि देहा बिफाननि बिबानगिरिआ टुइटरनि गेजेरजो बे बाश्राखौ मिबथि होदो। रिपटनि बादिब्ला, अरुनाचल प्रदेशआव देहा बिफानआ दासिम सा 2,43,547 सुबुंफोरनि देहाय कभिड टेस्ट खालामनायनि गेजेराव सा 10 रोजानिखुइबो बांसिन पजिटिभ केसखौ मोनो हादो। प्रदेशनि मोन 22 जिल्लाफोरव बांसिनै पजिटिभ केसखौ मोनो हादो होनानै देहा बिफानआ मिबथिहोबावो। इटानगर केपिटेल रिजनआव थानाय समाव सा 89 गोदान पजिटिभ केसखौ मोनो हानाय रेकड जादो। बेनि गेजेराव फाहामथाय होनायनि गेजेरजो सा 7,049 सुबुंफो मोजां हालोदआव फैफिनो हादो ओ दासिम राइज्योआव सा 16 सुबुंफोर जिउ गोमादो।

## खोमसि फोथायनायजो डकमकायाव

### आइजो आरो लाइमोनखौ इनायै बुथारदो

डिफु, 2 अक्ट'बर: कार्बिआंल जिल्लानि डकमकायाव नुजाथिदो मोनसे सुबुंथि गैयैबादि खासि-बिसि जाथाय। जिल्लानि डकमका पुलिस थानानि सिडव थानाय लांहिननि रहिमापुरआव दायनि सन्देहजो सानै सुबुंखौ गामिनियो माखासे सुबुंफोरा खासि-बिसियै बुथारनायनि उनाव सावथारो। जायगानि सुलुंनि बादिब्ला, गामिनि सासे आइजोआ गुवाहाटीयाव देहा फाहामथाय लानाय समनि सानथामनि सिगां जिउ खहा जादोमोन। बेनि उनाव गामिनि सुबुंफोरा दायनि सन्देहजो आइजोखौ बुथारो। खोमसि फोथायनाय गोसोजो

गामिनियो सुबुंफोरा गामि रमाबति हालवा मुनि आइजोनि थाखायनो गामियाव बायदिसिना जाथायफोरा नुजाथिदो होनानै फोसावो। फार्सिंथि गामियारि सुबुंफोर खोमसि फोथायनायखौ लानानै आरो सुबुंथिनि हेथायै थानानै बिजय गौर मुनि सासे गुदि फरायसालिनि लाइमोन फरायसाखौ खासि-बिसियै बुथारो। बेनि उनाव सानै सुबुंनि गोथै सहखौ फुजा होखानायनि उनाव दरसे हाजोनि साखाथियाव लानानै सावहैयो। बेनि अनगायैबो गामिनि सुबुंफोरा आइजोनि उन्दै फिसाजोखौबो बुथारनो नाजादोमोनब्लाबो गथ'साया

मायबारिआव थाखोमानानै गामिनि जिउखौ खुनुखुम रैखा खालामनो हायो। बे जाथायजो लोब्बा थानाय सासे द। य नि ग रि अ। बृहस्पतिबारखालि डकमका पुलिस थानायाव गावखौनो गथायनानै लायो। फार्सिंथि जाथायखौ मिरु खालामनानै ओन्सोलाव दुंहाव थासारि जानायनि गेजेरावनो जिल्लानि पुलिस बिबानगिरि देबजित देउरनि देदेनायाव मोनसे पुलिस हान्जाया गुदि संदानायखौ जागायजेनो। पुलिसआ दासिम सा 9 सुबुंफोरखौ हमनानै साजा होनायखौ सोलिहोबाय थदो।

## मनिपुरनि उखरुल जिल्लायाव आसाम राइफलसआ गोबां आइन बैरखा दंफां बोखांदो

इम्फल, 2 अक्ट'बर: मनिपुर राइज्योनि उकुल जिल्लायाव दिनै आसाम राइफलसनि हान्जाया गोबां बिबानि आइन बैरखा दंफांफोरखौ बोखांनो हादो। सुलुंनिफ्राय मिबथिनाय बादिब्ला, उकुल जिल्लानि सांगा जंसनआव मोनसे फोथायथाव सुलुंखौ मोनानै आसाम राइफलस हान्जाया आइन बैरखायै ट्राकआव लाबोनो नाजानाय समावनो गोबां दंफांफोरखौ बोखांनो हादो। आसाम राइफलसनि मोनसे बिबानगिरि सुलुंआ मिबथिहोनाय बादिब्ला, बृहस्पतिबारखालि मोनानि 9.30 रिंगासो समाव एमएन-07-



सि-4145, एमएन-07-सि-4020 आरो एमएन-04 सि-2494 नम्बरनि टाट ट्राकजो दंफांफोरखौ लानो नाजानायवनो बोखांनो हायो। गंथाम ट्राकनिफ्राय बोखांनो हानाय गसै 46 फाइन्डड दंफानि गलायफोर दडमोन होनानै मिबथिहोबावदो। बे जाथायाव आसाम राइफलस हान्जाया ट्राक

सालायगिरि अरुनजित, नानाव आरो जेम्सखौ खायो। दासान्दि आसाम राइफलसआ दंफांजो लोगोसे साथाम ट्राक सालायगिरिफोरखौ हमनानै सांसाक पुलिस थानानो गथायनाय जादो। बोखांनो हानाय दंफांफोरनि बेसेनआ बाजारआव 10 लाख रं जागौमोन होनानै हमदोनो हानाय जादो।

## टेकनिकनि मुलुगयाव हादतखौ गावनि

### आथियाव गसं होनायनि बिथांखि आजावदो

बेंगलुरु, 2 अक्ट'बर: टेकनिकनि मुलुगयाव हादतखौ गावनि आथिडाव गसं होनो थाखाय भारतआ एपल आरो गुगलनि देदेनायाव मोनसे एप स्टरखौ जागायजेनो यजना बानायदो। बेजो एपखौ डाउनलड खालामनाय जागोन। सरकारि सुलुड फोरमायदोदि, गाहाय मन्थि नरेन्द्र मदिनि सरकारआ बेनि थाखाय मबाइल सिबिथाय एप स्टरनि यजनानि सायाव आवगय लानो हागौ। भारतआव बे समाव 50 कौटि स्मार्ट फन बाहायगिरि दं। बिसोरनि गेजेरावनो बांसिन बाहायगिरिआ गुगलनि एन्ड्रयड प्लेटफर्मखौ बाहायो। सुलुंनि बादिब्ला, सरकारआ एन्ड्रयड फननि थाखाय गावनि एप स्टरखौ गिबियावनो इन्स्टल खालामनायनि यजनानि सायावबो सावरायलायदो। पेटिपमआ भारतनि रांखांथि होनायनि गाहाय फर्म। थानाय

दानाव बियो जुवानि नेमखान्थिखौ फोरमायनानै गुगलनि गेजेरजो माखासे घन्टानि थाखाय गावनि एपखौ बोखारना होनायाव हें था होदोमोन। गुगलआ बे सप्ताहयाव बुंदो, एन्ड्रयड स्टरयाव रांखांथिखौ होफिनानयनि थाखाय 30 जौखोन्दो टेक्सखौ लानायनि नेमखान्थिखौ गोखोडे फालिनो सावरायलायगोन। सासे गागि बिबानगिरिया फोरमायदो दासिमाव सोरबाया सरासन्त्रा महरै आर'ज गाबयाखै। नाथाय गावसोर मबाइल प्लेट फर्मखौ जौगाखां होनायनि यजना बानायदो, जेरावनिफ्राय सुबुंफोरा एपखौ डाउनलड खालामनो हागोन। भारतआव गिबियावनो गंसे मबाइल एप स्टर दं, जेरावनिफ्राय 1,200 था सरकारनि हेफाजाब होनाय एप्लिकेसनखौ मोनो हायो।

महात्मा गान्धीनि सान्नाय-हनायजो थुलुंगा खानाय मदि सरकारआ : हादतगिरि कबिन्द

## गोदान दिल्ली, 2 अक्ट'बर

: महात्मा गान्धीनि 151 थि जोनोम साननि सिगां साननि मोनाबिलियाव हादतगिरि रामनाथ कबिन्दआ बुंदो, मदि सरकारनि सान्नाय-हनायफोरा महात्मा गान्धीनि सान्नाय-हनाय आरो फोरोंथायजो गोरोबो। सरकारनि हादतनाडे मख'जाथाव नाजानायफोर जेरे स्वच्छ भारत अभियान, महिला सशक्तिकरण, निखाविरि आरो दलितफोरनि सशक्तिकरण, आबादारिफोरनो मदत आरो गामिफोरआव गोनांथार सिबिथाइ सुबिधा जगायना होनाय बायदि हाबा मावनायफोरनि बाश्राखौ लानानै बिथाड बुंदोदि, आं गोजोन्नाय



मोनोदि, गान्धीजीनि सोलोंथायआनो जौनि सरकारनि गुदि बिथा। गान्धीजीया आयेन आबुथि आरो गोग्गो थांखिफोरखौ आरो गावनि नाजानायफोरखौ गोबां गोनांथि होदो। गान्धी जयन्तीनि गोथार खाबुआव हादतगिरिया बुंवावदो, फैजो बयबो गहाम आरो जौगाखानानि थाखाय गावखौ बावसोमनायनि फिन समायखिरा लानि, सैथो आरो अहिंसानि मन्थ्रजो फालिनि, साखोन-सिखोन मोन्थोर गोहो गोर, गोखौ आरो जौगाखां भारत

दान आरो गान्धीजीनि सिमांखौ मोगथां महर होनि। हादतगिरिया गावनि खौरां बिबुंसारयाव बुडोदि, जौनि हारिनि बिफा महात्मा गान्धीनि 150 थि जोनोम सानआव जौनि हादतनिफ्राय बिथांनो बिबार बावो। बिथानि जिउ खुंलांनाया समाजनि लोरबां थाखोखौ गोहो गोर आरो गोखौ खालामो, बिथानि सैथो, अहिंसा आरो अन्नायनि खौरांआ समाजआव अनलाइनाय आरो समानथि लाबोनानै मुलुगखौ जौगाखां होनायनि लामा दिन्थियो।

## बे बोसोरनि गुसु बोथोरा गोबाव

### सम थागोन: बोथोर बिफान



गोदान दिल्ली, 2 अक्ट'बर : हादतनि सा ओन्सोलनि हाजो आरो गाहाय ओन्सोलनिफ्राय मौसुमि बोथोरा गिदिंलां लानायजो लोगोसेने गुसु बोथोरा जागायजेनबाय। बे बोसोरनि गुसु बोथोरा जोबोद गुसु जागोन आरो गोबाव समसिम थानो हागौ। बारहावा बारनाया खम जानाय, गोरान बारहावा बारनाय आरो अख्रांन्याय जानायजो लोगोसे गुसु बोथोराबो जागायजेदो। सान्दु दुंब्लाबो गरम जानाया खम जादो। नाथाय हरनि बिदुडबो दावखलायदो। बोथोर बिगियानगिरिफोरा हमदोना

लादोदि, 15 अक्ट'बरनिफ्राय बिदुड खम जालांगोन, बेजोनि गुसु बोथोरा जागाय जेनगोन। बारनायाबो सोलायदो। थानाय हराव गोरान बारदो। बे समाव प्रशान्त लैथोमायाव 'ला नीन' थासारि सोमजिनानयनि जाहोनाव लैथोमानि सा बाहागोनि बिदुड बाडइ जादो। बेनिनो जाहोनाव गुसु बोथोरा गोबाव समसिम सोलिनो हागौ। बेनिखायनो मौसुमि बोथोरनि अखा हानायाबो हादतआव सरासन्त्रानिफ्राय बांसिन जादो। साहानि हाजोयारि राइज्यो जम्मु-काश्मीर, हिमाचल प्रदेश, उत्तराखान्ड, पान्जाब, हारियाणा,

## रांखांथि बिफानआ बाजेट थियारि खालामनाय हाबाफारिखौ 16 अक्ट'बरनिफ्राय जागायसिगोन

गोदान दिल्ली, 2 अक्ट'बर : रांखांथि बिफानआ फैगो 2021-22 नि थाखाय बाजेट थियारि खालामनाय हाबाफारिखौ 16 अक्ट'बरनिफ्राय जागायसिगोन होनानै बृहस्पतिबार खालि फोसावनाय खौराडव बुंनाय जादो। नरेन्द्र मदि सरकारनि नैथि सम आरो रांखांथि मन्थ्र निर्मला सीतारमनिन बेयो थामथि बाजेट जागोन। बाजेटआव कभिड-19 अलख'दनि जाहोनाव रांखांथि जौगाखानायाव दावखलायनाय आरो धोन बाखियाव आंखाल

जानाय बायदि जेनानिफ्राय बारग'नायनि राहा लामा नांगोन। बेनि गेजेरजो रांखांथि बिफाननि बाजेट आफादिनि बाजेट लाइ (2021-22) नि बायदिब्ला, रिभाइस इस्टिमेटखौ लानानै खुंनो गोनां जथुम्माआ 2020 नि 16 अक्ट'बरनिफ्राय जागायसिगोन। अदेबानि बे फारिलाइयाव बुंनाय बायदिब्ला, गासै रांखांथियारि बोसोनगिरिफोरा बेखौ रोखा खालामनांगोनदि, सासेनिफ्राय सा 7 नि देदेनिगिरिफोर बाहागो लानाय बे जथुम्माफोरनिफ्राय

बेजो सोमोन्दो गोनां गासै गोनां जानाय गुदि खोथाखौ इड बि आइ एस: इडनियन बाजेट इनफर्मसन सिस्टेम आरइ (रिभाइस इस्टिमेट)मडेलाव सोफादेरनाय जागोन। मख'नो गोनांदि, रांखांथि बोसोर 2021-22 नि थाखाय बाजेट ह मना गनायनायखौ गासै सेक्रेटारिफोर आरो रांखांथि बोसोनगिरिफोरजो सावगयखानायनि उनाव जोबथा महर होनाय जागोन। बे बाजेट जथुम्माआ फैगो 16 अक्ट'बरनिफ्राय जागायनानै नवेम्बरनि सिगां सप्ताहसिम थगोन।

## गोदान संसद भवन लुनाय खामानिया जागायबाय

गोदान दिल्ली, 2 अक्ट'बर: गोदान संसद भवन लुनायनि खामानिया जागायबाय होनानै बिबानगिरिफोरा बृहस्पतिबारआव मिबथि होदो। टाट प्रजेक्ट लिमिटेडआ थानाय दानआव आथिखालनि थाखानाय संसद भवननि सेरावनो गोदान भवन लुनायनि कन्ट्रिक्टखौ मोन्दोमोन। मिरुनि फिन जौगाखां होनाय यजनानि गेजेरजो बेखौ लुनाय जादो।

बे हाबाफारिआ 22 दानआव जोबहैनो हागौ। मिरुनि फिन जौगाखां होनाय बिथांखिनि गेजेरजो संसद भवन, गंसे मिरुनि सेक्रेटारिएट बानायनाय आरो रास्ट्रपति भवननिफ्राय इन्डिया गेटसिम थाम कि:मि: गोलाव राजा लामाखौ बानाय फिननाय जागोन। सासे बिबानगिरिआ बुंदो-संसद भवननि हाबग्रानि गंसे जिरायसालि गुबुन जायगायाव बानायनाय जादो, जाहाथे

गिदिर गिदिर गारिफोरा थांलाय-फैलायनि थाखाय जायगा मोनो। सिपिडिब्लिउडिनि फिसा-फिसा मावख'फोर आरो मोनसे मोनसे मोब्लिब मिरु न'खौबो संसद भवननि लामाखौ गिदिर खालामनो थाखाय बोखारनाय जाबाय। आथिखालआव संसद भवननि परिसर एबा लांगोनायाव हाबग्रा मोननै लामाखौबो बोखारनायनि खामानिआ जागायबाय।

## नेनानै दड आं

खुलुमनाय सिबिनाय नाजाव  
नैबे आंनि लिरनाय दानसेनि उनाव  
नोंनिसिम आंनि गांसे लाइजामसो;  
नाजावदों दोंसे खन्थाय महरे।  
बावगारनो नाजादों रजे नोंडो आंखो  
जिउनि लामा ससेनि आंगो लोगोरिखो,  
बेनि थाखाय जानो हाया रावदा दायनिगिरि  
रिफिनायसो बियो खाफालनि खाफालनि फारि फारि।  
लोगोसेयै जों गारबोनाय घन्टा, मिनिट आरो सेकेन्डखो  
हायाखै नागारना थानो बै...समफोरखो;  
हगारदोंमोन जुथायै बायदि मैया गोसोखों जाथाव  
दुखु-हांमा, सुखु-रंजा बायदि फावनि भाव।  
दिन्थिबोबाय गसिबो गसायनि थिनहरनायाव  
स फैंबाय नाथाय आं दिने गुबन राइजोयाव;  
जोबोद जानगारावसो बे रायजोआ जेराव  
बुहुमाव सुबुड नुयो जायखो सिमाडव।  
दाखालाम नोडे गोसो सोलेरखो लोरबां  
नाजागोन मावफुंनो गहाम हाबा गोबां,  
सैथो लामाजों बान्थाखो मोनगोन जेव्ला  
फोथायगोन अनजालिनि बोसोरखो अक्ला।  
आजिरा मोनगोन जेव्ला भावथिना मुलुगनिफ्राय  
लाबोफा गोसोआव रादाइ,  
अन्नायनि जलंगा दानाय बिलिरनाय  
नेनानै दड आं हारसिडै नों फेगोन लामाजों।

मुक्ति पवित्र बसुमतारि  
गामि-सा सिजुपुरी

## कक्राझार सरकारी फरायसालिमायाव गान्धी जयन्तीखो लोब्बा लाखिनानै साफाय हाबाफारि

(□ 1 बिलाइनिफ्राय) एनएसएस भारत स्काउट एन्ड गाइड आरो फरायसालिमानि फरायसा आफादजों ज'यै लोगो नानानै फरायसालिमानि लांगोना आरो सिडव साफाय खालामनाय जायो। हाबाफारिखो जागायजेन्नानै एबा बेखेवनानै होयो फरायसालिमानि गोरायुं ड० बन'बीना ब्रह्मआ। बिथाड गाननि सुंद' बिबुंधियाव साखोन-सिखोननि सायाव माहारिनि बिफा महात्मा गान्धीआ बेसेबां गोनार्थि होनायमोन आरो गावनो साफाय खालामनाय हाबाफारियाव नांथावनानै बयखोबो थुलुंगाखां होनायनि सायाव बिबुंधि लाखियो। बे साफाय खालामनाय हाबाफारियावनो बाहागो लायो आइकिउएसिनि फोनांजाबगिरि अन्जली बसुमतारि आरो एनसिसि, एनएसएस, भारत स्काउट एन्ड गाइड आरो स्वच्छ भारत अभियाननि बिबानगिरिफोर फारियै- ड० बिमल कान्ति बसुमतारि, ड० राजीब साहा, गणेश बर' आरो लाइमोन ब्रह्मजों लोगोसे फरायसालिमानि गोबां बिबुंगोरा, फरायसा आरो मावखु गिरिफोरा बाहागो लादोंमोन।□

## 1 नभेम्बरनिफ्राय आसामनि गासैबो फरायसालि-फरायसालिमाफोरा बेखेव जाफिनिसिगोन

गुवाहाटी, 2 अक्ट'बर: सोल्लोथाय बिफाननि मन्थि ड० हिमन्त बिश्व शर्माया फोरमायनाय बायदिब्ला आसामनि गासैबो फरायसालि आरो फरायसालिमाफोरा फेगो 1 नभेम्बरनिफ्राय खुलिफिनिसिगोन। जोडो अक्ट'बर 15 निफ्राय खुलिहोयाखै अदेबानि गासैबो फरायसालि आरो फरायसालिमाफोरखो 1 नभेम्बरनिफ्राय खुलिहोफिन्याय जागोन। बे बाभ्राखो खौरंगिरिनि सिगाडव ड० शर्माया फोरमायदों। कभिड-19 नि गोदानै फोसावजानाय आनलक 5 बायदियै सोल्लोथाय फसंथानफोरखो 15 अक्ट'बरनिफ्राय खुलिगोन गनार्थि होनाय जादोब्लाबो आसाम सरकारा थंखि लानाय बायदिब्लाबो अक्ट'बर जोबजासिम बन्द' लाखिगोन। अदेबानि थाखो 9 निफ्राय थाखो 10 नि फरायसाफोरनि थाखाय माखासे राहानि गेजेरजों थाखो फोरेंथाय राहाया सोलिगिसिनो दड। बे फरायसालि खुलिफिन्यायनि सायाव गासैबो सोल्लोथाय फसंथाननि सामलाय आफाद आरो दैदेन आफादफोरनि गेजेरजों सावरायलायनायनि उनावसो थंखि लानाय जादोंमोन।□

## गसाइगाव सुबुं सावसि मावफुं बिफाननि अरायथा नडै

## मावसुमाफोरा हेफाजब होयै सोमावसार हाबाफारिलादों

गसाइगाव, 2 अक्ट'बर: रइज्योनि सुबुं सावसि मावफुं बिफाननि दै जगाय बिफाननि आवथायाव थानाय अरायथा नडै मावसुमाफोरा दिनैसिम मोन्नो हायै दानआरि बान्थाखो मोननांगोनि दाबिजों रइज्योनि गुबुन गुबुन ओन्सोलजों लोगोसे गसाइगाववाय दिनैनिफ्राय गासै 7 साननि हाबाफारि लानानै सोमावसारनायखो जागायजेन्नो। गसाइगाव डिभिजननि सिडव थानाय हाबा मावफुं एबा 2013 माइथायावनो थिसन्थाय मोन्नाय मावसुमाफोरा फुं समनिफ्रायनो मोन्नो गोनां मोन्थायखो दाबिनानै मावखु 'नि लांगोना मोखाडव धर्ना होयो। मोन्नो गोनां बान्थाखो दिहन्नानै हर, जॉनि दाबिया थार दाबि, उड वान्ट जास्टिस, रिहन दैमारि मुदाबाद बायदि स्ल'गानजों सोमावसारथिलखो रिंखांहोयो। बे हाबाफारियाव बाहागो लागिरिफोरा मख'योदि,

सरकारनि अरायथा साखि मोन्नो थाखाय बाभ्रा होनायावसो बिफाननो गावसिनि हाफोरखो दान होनाय जादोंमोन। बे दान होनाय हायाव मावखु ' लुफुंनानै रइजो-राजाफोरनो दै जगायगासिनो दडब्लाबो थिसन्थायनि बेलायाव दिनैसिमबो अरायथा खालामनायनि राहा लायाखै। बेखायनो थार मोन्थायखो नागिरिनानै 7 साननि हाबाफारि लाना सोमावसारनायखो जागायजेन्नो जाबाय होन्ना मख'दों। बे सोमावसार हाबाफारिनि गेजेरजो गिबि मन्थि सर्बानन्द सनवालनिसिम राहा लानो खावलायदों। मख'नाय बायदिब्ला गसाइगाव डिभिजननि सिडव दिनैसिम गासै सा 112 हा दान होग्रा लाइमोनफोरा अरायथा नडै साखि मावनानै दड।□

## माजबाटयाव गोबां बिबानि गान्जा बोखांदों

उदालगुरि, 2 अक्ट'बर: माजबाट ओन्सोलनि आसाम-उदालगुरि जिल्लानि माजबाट पुलिसआ गिदिर जाफुं सारनो हादों। माजबाट पुलिसआ सदानायनि गेजेरजों गासै 124 के :जि: गान्जाखो बोखांनो हानायाव जाफुंसारदों। मिथिनाय बादिब्ला माजबाट पुलिसआ थानाय हरनि 3.00 रिगासो समाव मोनसे फोथायाव सुलुंखो मोन्नानै

माजबाट अरुनाचल सिमाजों नांजाबनाय रौता माजुलिनि कियजुलिवाय मोनसे सदानानै मोनबै बस्थानिफ्राय गान्जाफोरखो बोखांनो हादों। बे सदानायाव माजबाट पुलिस थानानि बिबानगिरि मिन्नु हेन्दिक् आरो एसआइ रबि कुमार सेट्टिजों लोगोसे पुलिसनि मोनसे हान्जाया

गान्जाखो बोखांनानै माजबाट पुलिस थानायाव लाबोयो। बेनि हेंथायै 81/2020 नम्बरवाय मोनसे गसर आजावना लानानै संदानायखो जागायजेन्दों होन्नानै खौरंगिरिनि सिगाडव मिथिहोदों। बोखांनो हानाय गान्जानि बेसेना बाजाराव 6 लाख रं जागौमोन होन्नानै हमदानाय जादों।□

## दोंब्रै लिमारिक

(1)

दालां बार नायनि आगै सोमसि  
नोंनि महारालाय नायनो सोमसि सि  
गोसो थोयो आं नोंखौ आसुगुरजों  
नाथाइ गावखार हरो नों आंखौ आसुगुरजों।

(2)

फागिलया सानफ्रोमबो फैयो जॉनि लांगोनाजों  
सानफ्रोमबो फैबाय थायो साइकेलजों  
आंनानो मेगना नायै नायै गाजि जालाय लांसै  
आंनानो गोसोआ उसु खुथु जालाय लांसै

(3)

माब्लाबा फ्रबफानथाव गाननानै फैयो नों  
माब्लाबा सुरिदार गाननानै थाबायबोयो नों  
आंनानो मेगननि नोजोरा  
नांसिन थारबायसो बारा बारा।

(4)

बिनि महारा सोमसिप्रियैनो ददेरे थार  
दाउथु बायदि लथब थब माहि थार  
एकनबा लामा गेजेरावनो ग्राव सौग्राव लायो  
आंहासो बिखायानो गावनोसै बायदि मोनलायो।

मुक्ति फ्रिन्स बसुमतारि

जिल्ला : कक्राझार, बिटिसि, आसाम।

## नोंखौ आं हास्थायो

मोजां मोनो आं नों  
अनजालिखौ फोरमायनो  
हाया नोंनि सिगाडव  
फोरमायनो सानो आं  
नों अनजालिखौ नाथाय  
मा होनानै फोरमाय  
बावनो आंनि गोरबोनि  
अननायखौ दाबो नों  
सिनायनो रोड माब्ला  
आजावगोन नों आंनि  
अननायखौ रायलाया मानो  
नों आंजों आंनि गोसोआदि  
नोंखौल मोजां मोननाया  
जुजायनि अर बायदि दोहो  
दोहो खामगिल लांजोब्बाय  
अनजालि नों आंनो एसेबो  
मानो गुमुर होवा नों  
मालायनि सिगाडव मानो  
बेबायदि बुडो अनजालि  
नाथाय आंहा बिखाया  
गाबो गुखाया गेवा सना।

मुक्ति प्रबाकर नारजारी

गामि-7नं आल्फागव

जिल्ला-कक्राझार, बिटिसि (आसाम)

# रंजालि गथ' फोरनि सौरा

## नोंनि थाखाय

गोसोयाव साननो नोंखौनो लानानै  
अराय आलो गोजोन संसार जालानो।  
नाथाय खाफालावबा मा रिफिगोन।  
हाथासि लामायाव  
नेनानै दं आं दाबो नोंखौनो  
फैगौबा जिउ देरानि लानांगोना मोखाडव।  
नाथाय फैयो नों मानो आंनि जिउनि लानांगोना सेरजों  
नाथाय मानो मुगैनानै थाफिनखो नों  
आंनि जिउनि देराखौ।  
सान्दोंमोन आंनि जिउनि देरायाव  
खालामनो नोंखौनो  
इयुन जिउआव नखरनि गारजेन।  
नाथाय बियो आंनि फैमाल जालांबाय।  
मोबारै सुफुं बावगोन आं  
नों आंनि हास्थायसुलि हाबिला गोसोखौ।  
मा गोदान मिजिंनि गोदान सिमां नुबावनो आं।  
नोंनोमोन आंनि इयुन लामानि  
फैफिनो नों अनजालु आंनि खाथिया  
बोजबगोन आं दाबो गोसोगोथारै  
नोंखौ आंनि बिखा गेजेराव।  
गाबो बिखा नोंखौ मोजां मोनायाव  
नाथाय खुगाया गैयामोन  
नोंखौ लोगो मोनानायाव

मिस सुमिता नार्जारी

उमानन्द, हालांबाजार।

## गोमोदोंमोन आं

नै आगै महर गोसा...  
नोल 'सै आंनि गोरबोनि नोजोराव  
दाखालामसै आंखौ गोदाव सोराव  
सिमांआव मानिबा दाहा लाना फैयो नों आंजों  
नाथाय गैया नों आंजों आंगो मोकथांआव  
गोमोदोंमोन आंखौ नोंनि महरा।  
नोंदि थादोंमोन फारगाव बाजाराव।  
गोसोआ सान्दोंमोन नोंजों सिरि सिरि  
रायज्जायनो नोंजों दसे सम लाना  
नाथाय गोमोलांबाय आं नोंखौनो सन्ना।  
दोनलांबाय नों आंखौ गोरबोनि दाहा  
नुवाखैमोन आं नोंखौ खाथियाव  
नायदोंमोन गोजाननिफ्राय गोमजोर  
जेव्ला नोंखौ आं खोनादोंमोन दुखु  
नावथाव राव, बाजारनिफ्राय थांबायहोन्ना  
बेवनो नोंखौ सन्ना गोमो हाबदोंमोन आं।  
गोसोआव आन्दोंमोन आं नोंखौ दसे  
गोसोनि खोथा फोरमायनो गोदै राव  
अक्ला बे नोंनि महर नुजाफैनाया  
गोमोहोदोंमोन नों आंनि गोसोखौ  
अजालि नोंनि महरा।

मुक्ति खिनिसर बरगथारी

गामि-खासपुर (हालांबाजार)

जिल्ला-कक्राझार, बिटिसि।

## हाथरस जिनाहारि जाथायखौ राजखान्थि महर होनो नाजादों

(□ 1 बिलाइनिफ्राय) लानानै थंदों। राहुल गान्धी, प्रियंका गान्धीनि उनाव दिने त्रिनमुल कंग्रेसनि दैदेनगिरिया जिनाहारिजों भुगिनांनय हिन्जावसानि गामियाव थानो नाजादोंमोन, नाथाय पुलिसआ राजखान्थिगिरिखौ गामिनि बाइजोयावनो लाखिनानै दोनो। टिएमसि राजखान्थि हान्जानि एमपि डेरेक अब्राइनखौ नाखानानै हायाव गोन्लैहोदों। अब्राइनजों लोगोसे टिएमसि राजखान्थि हान्जानि सानै आइजो एमपि आरो सासे बारग' एमपिया जिनाहारि खालामजानाय हिन्जावसानि नख 'रनि सोद्रोमाजों लोगो हमनो थंखि लादोंमोन। बे थान्दै हान्जायाव बाहागो लानाय हान्जानि बारग' एमपि ममता ठाकुरआ बुडोदि, आइजो पुलिसआ जॉनि गान्नाय ड्रेसखौ खहा खालामनायजों लोगोसे जॉनि एमपि प्रतिमा मन्डलनि सायाव लावथि बाहायनानै बिखौबो हायाव गोन्लैहोदों। बे जाथायखौ टिएमसिनि एमपिया थोंजोडै लाजिनांथाव होन्नानै फोरमायो। हाथरसनि एसडिएम प्रेम प्रकाश मिनाआ बुडोदि, जाथायनि सायाव संदानो दाफुजानाय एसआइटि हान्जाया गामिनि सिडव संदानायखौ सोलिहोगासिनो दंमोन। जाहाथे संदानाया जेबो उसुबिधा एबा जेंना नुजाथिनो हाथैनि टिएमसिनि थान्दै हान्जाखो गामिनि सिडव हावनो होयाखै। थान्दै हान्जानि अजद खालामनायखौ नेवसिगारनानै पुलिसआ बुडोदि, आइजो पुलिसआ बिसोरनि एंग्रानायखौ होबथानो थानायाव माखासे मोगा-मोगि जानादोंब्लाबो नाथाय गान्नाय ड्रेसखौ जेबो खहा खालामाखै। गुबुन फासैथिं जाथायखौ लानानै गुबुन गुबुन राजखान्थि हान्जाफोरा राजखान्थि खालामनायनि दासान्दि गुबुन गुबुन बाभ्रा बुंबाय थानायनि समावनो भुगिनांनय हिन्जावसानि बिफाया थोंजोडै सिबिआइ संदानो दाबि खालामो। बिफाया बुडोदि, उत्तर प्रदेश पुलिसनि सायाव आं फोथायनाय गैलिया। बेजों लोगोसे आंनि गोसोनि बुंनो गोनां बाभ्राखौबो मिडियाफोरखौ होबथानायनि जाहोनाव बुंनो हायाखै होन्नानै अजद खालामनायजों लोगोसे दुखु फोरमायो। बेबायदि थासारियावनो भुगिनांनय नख 'रनि गुबुन सासे उन्दै गथ'नि आखाइनिफ्राय फन लांनय बाभ्रायाबो सोराडव फेदों। गथ'साया फोरमायनाय बादिब्ला नख 'रजों फोनांजाब खालामनो गुबुन सुबुड हरनाय फनखौबो पुलिसआ लाखिनानै दोन्दों। फासैथिं पुलिसआ हाथरस जिल्लायाव दासान्दि 144 धारा आइनखौ जाबसिन्नायजों लोगोसे जाथाय नुजाथिनाय गामि ओन्सोलखौ दासान्दि दखलाव लाखिदों। जिल्लायाव गोखों आइन फोसावनायनि गेजेरजों गामिनि सुबुंफोरखौ आइडि दिन्थिनयनि उनावसो बाइजोयाव थानायनि गनार्थिथिखौ होनाय जादों। मख'नो गोनांदि, सुबुंफोरा बे जाथायखौ लानानै पुलिस आरो जिल्ला खुंथायनि बिफाव लानायनि सायाव रागा जोंखानाय आरो गोबां बाभ्राजों सावरायनायबो जादों। गुबुन फासैथिं कंग्रेसनि दैदेनगिरि राहुल गान्धी आरो प्रियंका गान्धीखौ बृहस्पतिवारखालि भुगिनांनय नख 'रनि सोद्रोमाजों लोगो हमनो थानायावनो होबथानाय जादों। दासान्दि हाथरस जिल्लायाव बे जिनाहारि खालामनाय जाथायखौ लानानै सुबुंफोरजों लोगोसे राजखान्थिगिरिफोरा गोखों रावजों सावरायनानै पुलिस आरो जिल्ला खुंथायनि बिफाव लानायखौ सोथि खालामदों।□

## भवानिपुरआव कंग्रेसया गान्धी जयन्ती फालिदों

(□ 1 बिलाइनिफ्राय) सिगाडव गोजोननि बाथि फोजोनानै आरो गोसोखों सावगारियाव बिबार माला गानहोनाय जायो भवानिपुर ब्लक कंग्रेसनि आफादगिरि इस्माइल हुसेइनआ। बेजों लोगोसे बे हाबाफारिआवभो भवानिपुर ब्लक कंग्रेसनि आफादगिरि इस्माइल हुसेइन, लेडाइ आफादगिरि जयन्त चौधुरि, गहाय नेहाथारि जिनुमनि तालुकदार, दुलाराय लाइमोन कंग्रेसनि नेहाथारि स्वरिफा बेगम, गामि कंग्रेसनि दैदेनगिरि बिराज चौधुरि, सन्दिक्का बैश्व, धनजिद तालुकदार, लाइमोन कंग्रेसनि दैदेनगिरि मनिबुल हुसेइन आरो कंग्रेसनि गोबां दैदेनगिरिफोराबो बाहागो लादोंमोन। मखनो गोनांदि, भवानिपुर चकआव दिने भवानिपुर ब्लक कंग्रेसनि बानजायनायाव उत्तर प्रदेशआव राहुल गान्धी आरो प्रियंका गान्धीखौ मान गैयै खालामनायनि हेंथायाव भारतनि गहाय मन्थि नेरन्ट मडि आरो गिबि मन्थि यगी आदित्यनाथनि मुसुखा बानायनानै हेंथा स्ल'गान होनायजों हानजा सुरो। लोगोसे भवानिपुर कंग्रेसआ ओनसोलाव हेंथा हानजा सुरनानै बिसोरि सानैनि मुसुखा बानायनानै सावनायबो जायो। गुबुन फारसैथिं, भवानिपुर ब्लक कंग्रेसनि सिडव थानाय मोन 12 मन्डल आफाद आरो 124 बुथ कमिटिआ आलादा-आलादायै गाव-गानि ओनसोलाव दिने गान्धी जयन्ती एबा जोनोम सानखौ गुबुन गुबुन हाबाफारिनि गेजेरजों फालिनाय जायो।□

## बागसानि सा 437 फरायसाफोरनो

## आनन्दराम बरुवा बान्था गथायदों

(□ 1 बिलाइनिफ्राय) ओन्सोलफोरावबो गान्धीनि जोनोम सानखौ फालिनाय जादों। दिने बागसा जिल्लानि बाथीपुरियाव थानाय जिल्ला बेंगिरिनि नब्बाडव जिल्ला सोल्लोथाय बिफाननि बान्जायनायजों 151 थि गान्धीनि जोनोम सानखौ फालिनाय जायो। जिल्ला बेंगिरि स्नन शर्मानि नुजाथिनायाव खुंफुजानाय बे हाबाफारिनि गेजेरजों थानाय 2020 माइथाय मेट्रिक आन्दादयाव बागसा जिल्लानिफ्राय 1 थि मासियाव उधिसार जानाय गासै सा 433 फरायसाफोरनो आनन्दराम बरुवा बान्थाखौ गथायनानै होनाय जायो।□

## गौरां दैसायाव सा 3 हौवासाफोरा गब 'दों

कक्राझार, 2 अक्ट'बर: गौरां दैसायाव दिने फुं समाव साथाम हौवासाफोरा गब 'नायनि बागै मिथिनाय जादों। बे साथाम हौवासाफोरनि गेजेराव सा 2 खौ जिउ गैयै थासारियाव बोखांनो हादोंब्लाबो गुबुन सासेखौ बे खीयं सुजुजासिम बुब्लियाव नागिरिनानै मोन्नो हायाखै। जायगानि सुबुंफोर फोरमायनाय बायदिब्ला सा 3 बे हौवासाफोर दिने फुं समाव दुगोनो थाखाय गौरां दैसायाव थानोंमोन आरो बेनिफ्रायनो सा 3 बे हौवासाफोरा गोमानानै थायो। अबथिरा जिउ गोमानाय सा 2 हौवासाफोरखौ मनज दे (15)

## गान्धी जयन्तीनि सानाव गसाइगावनि रइजोयारि गोथैसालिखौ सिबसांदों

(□ 1 बिलाइनिफ्राय) जयन्ती महरे फालिनायजों लोब्बा लाखिनानै गसाइगावनि माखासे लेखागोरों आरो सांग्रं लाइमोनफोरनि रजुहवा ससानसालिखौ साब-सिखोन खालामनाय आरो सिबसांनय हाबाफारिया सांग्रं समाजनि बयनिबो बाख्तायनाया मोन्नो हादों। जाय समाव गेदेमा सुबुं गान्धीनि आदर्शजों मुलुगनाडैनो स्वच्छ भारत अभियाननि गेजेरजों साबसिखोन आरो सिबसांनयनि हाबाफारि लादों बे हाबाफारिनि आवथायवनो गसाइगाव सहरनि धनन्जय महेश्वरि, प्रनय पाल, बिजय कृष्ण, गौरांग' अधिकारिमोनहा शसानसालिखौ शुक्रवारखालि साब-सिखोन खालामो। फुंनि 5:00 रिगायावनो आंखारनानै गोथै सह' सावग्रा ससानसालिखौ साब-सिखोन खालामनानै जैरथिबो नायथावना महरखौ नुनो मोनो। लाइमोनफोरनि बे हाबाफारि लानाया फेसबुकनि फोथायवबो बयजोंबो अन्सायजादों आरो बाख्तायजादों। दोलोसे लाइमोनफोरनि बे सिबिथाय हाबाया गासै लाइमोन समाजनि गेजेरावनो थुलुंगाहोनो हाथाव मोनसे बिदिन्थि होन्नानै ओन्सोलनि सुबुंफोर बुंयोलायदों।□



आरो शिब' बर्मन (12) होन्नानै मिथिनायनि बेरेखायै बोहैथि समसिम नायगिरिनानै मोनै हौवासानि मुंखौ सुजन बर्मन (14) होन्नानै मिथिनाय जादों। गासै जाथायखौ गोमजोरै लाना पुलिसआ गोमानानै थानाय हौवासाखौ नागिरनायखौ सिगांहोगासिनो दं होन्ना सुलुडव फोसायदों।□

### बागसानि जालाहयाव दुलाराइ बर' फरायसा आफादआ महात्मा गान्धीनि 151थि जोनोम सान फालिबाय

(*□ १ बिलाइनिफ़्राय*) लोगोसे दुलाराइ बर' फरायसा आफादनि फिरफिला बिरहोनाय हाबाफारिया जानाने थाडे। एबसुनि गोथार फिरफिलाखों बिरहोयो आफादगिरि दिपेन बर'आ। बेनि उनाव माहारियारि फिरफिलाखों बिरहोयो ड० अनन्त एकाडेमिनि गोरगुं मानगोनां मुस्लि भबेश शर्माया। उनाव गान्धीनि मुसुखायाव बिबार बाउजेनो मुस्लि नृपेन्द्र शर्माया। बेनि उनाव मिरु एबसुनि बारग' आफादगिरि प्रमद बर'जों लोगोसे नुजाथिनाय गुबुन गुबुन दैदेनगिरिफोरा बिबार बाउवो। बे हाबाफारियावनो गोजोननि नोर्सोन महैरु गुफुर फारै बिरहोजेनो ड० केशव बसुमतारिया।

बे नैथि थिखानाय हाबाफारि बादियै मिरु एबसुनि आफादगिरि दिपेन बर'नि मासि दैदेन्नायाव नैथि हाबाफारि बायदियै गेवलां मेलखों जागयजेनो। गेवलां मेलखों बेखेवनानै होयो बर' थुनलाइ आफादनि बारग' लेइइ आफादगिरि मस्ति दिपक बसुमतारिया। होखनाय आयदा बायदियै गाहाय आलासि महैरु बाहागो लानानै मान गोनां मुस्लि समुद्र गुप्त काश्यपआ बुडोदि, फैगौ समाव ओन्सोलाव गोखों माहारि दानायाव गासैवो हारिनि नौनारिफोरानो-गाव फोथायलायनाने आंगोथि सानलायनाने अहिंसा आरो गोजोनखों अरय गोबोंयाव लानानै आवगायलांनांगोन। एरैहाय आलासि महैरु बाहागो लानाय जयन्त कुमार दासआ एबसुनि बोसोरफ़ोमबो गान्धी जयन्ती खुंबोनायजों लोगोसे मुलुगनां अहिंसा सान फालिबोबाय थानायखों बरयनायजों लोगोसे माहारियाव गोजोननि रदाब फोसावबाय थानायखों बाख्नायो आरो साबायख 'र जासियो। बे हाबाफारियाव माननि आलासि महैरु बर' थुनलाइ आफादनि बारग' नेहाथारि उपेन बर' देउरि, बर' उमेन जास्टिस फरामनि बारग' गाहाय नेहाथारि लिलावती बसुमतारि, जालाह दरखर आसाम साहित्य सभानि आफादगिरि मुस्लि हुमेश्वर दास, लेइइ फोरोंगिरि भास्कर दिप नाथ, आथियाबारि बिद्या लाय्दो गोजैसिनि फरयसालिनि बारग' गोरयुं गिरिश चन्द्र बर' आरो गुबुन गुबुन बिबानगिरिफोय बाहागो लानो। गान्धी जयन्ती फोर्बों फालिनाय बे हाबाफारियाव सा 2 रोजानिवो बांसिन सुबुंफोरा बाहागो लादोंमोन □

## डिसेम्बर दाननि गेजेराव बिटिसिनि

## बिसायख 'थिखों खुहैनो हानाय जागोन: हिमन्त

(*□ १ बिलाइनिफ़्राय*) सनितपुर जिल्लानि सिडव थनाय सतिया बियाबनि चारिदुवाराव गंसे जिम बेखेवने थानानै मख 'दों मन्थि ड० हिमन्त बिश्व शर्माया। खौरंगिरिफोरनि सिगाडव फोरमायनाय बायदिक्ता बिटिसिनि बिसायख 'थिखों लानानैनो सावरायनो थाखाय फैगौ 6 अक्ट'बरखालि गासै रजखान्थि दोलोफोरनि मोनसे जुथाय मेल लेंथुमनाय जागोन आरो बे मेलआ थुंगेखानायनि उनाव 7 अक्टबरखालि बेनि सायाव केबिनेटआ थांथिब लागोन। बिटिसिनि बिसायख 'थिआ खुंजायैनि आन्दोयाव रजखान्थियारि बाश्चा गैया अदेबानि कभिड-१9 नि मिर्जिथिजाथावै थासारिनि थाखायसो बेयो जानांदों, जाय थासारिया गासै मुलुगयावनो बयखोंवो गोहोमथि खोख्चैदों, ड० शर्माया दाजाबदरे। अक्ट'बर आरो नभेम्बर दानाव कभिडनि थासारिया साबखां ह्यैयोक्ला बिटिसि बिसायख 'थिखों हेंथा गैया जासे डिसेम्बर दानाव खुहैनो हानाय जागोन।

सनितपुर दावबायनाय ड० हिमन्त बिश्व शर्माया आसाम गोरोबथानि सायाव फिनजाथाय होनो थानानै बुंदोंदि, आसाम गोरोबथानि 6 नं दफा बायदियै जायफोर थार नेपालि सुबुंफोरा आसामाव रइजो जानानै दं। बिंसोह्रा गिनो आरो सिंखिनो गीनां जेवो गैया। अदेबानि सोलोंथायनि बिथिडव मख 'नो थानाने बिथाड फोरमायनाय बायदिक्ता नभेम्बर दाननि गेजेराव रइज्योनि सिडव थनाय गंग्रोमबो फरयसालि आरो फरायसालिमाफोरानो सोलिफिनो हागोन □

## एमजिएनरेगायाव सोमजिनाय गेनाखों सिबिआइनि गेजेरजों संदान्‍नो कक्राझाराव इउपिपिएल दोलोनि धर्ना

(*□ १ बिलाइनिफ़्राय*) गेजेरजों संदान्‍नो दाबि दैखाडे।

गुबुन फारसे बिपिएफ दोलोआबो रइज्यो बेंगिरिनि खुंथायखों फोजेबनानै थाबैवो बिटिआरनि बिसायख 'थि खुंनो दाबि दैखानानै 4 घन्टा उखैहाव सोमावसारो।

सोमावसार हाबाफारियाव बाहागो लानानै मख 'नाय बायदिक्ला इउपिपिएल दोलोनि गासै मोन 40 ब्लक कमिटिफोरा दर 4 जिल्लानि सिडव लानाय सोमावसार हाबाफारियाव भेनार आरो प्ले कार्ड लानानै जालानाय गेना आरो जाख्ल 'नायनि सायाव संदान्‍नो दाबि दैखानाय जादों। बिटिसि खुंथायनि आमोलाव गुबुन गुबुन बिफानाव गोबांथार जाख्ल 'नाय जानायनि अजद लाबोना इउपिपिएलनि सा 100 निबो बांसिन दैदेनगिरि आरो मदतगिरिफोरा कौटि-कौटि रंनि गेना खालामप्रा सुबुंफोरखों संदान्‍नानै साजा होनांगो होन्ना दाबि दैखाडे। अदेबानि बे गेनानि सायाव थार बिजिरनाय मोन्‍नो इउपिपिएल दोलोआ गिबि मन्थि सर्वानन्द सनवाल आरो रइज्यो बेंगिरि प्रफेसार जगदिश मुखीनिसिम कक्राझार जिल्ला बेंगिरिनि गेजेरजों गोसोखां बिलाइ दैथायहरो।

सोमावसार हाबाफारियाव बाहागो लानानै इउपिपिएलनि दैदेनगिरिफोरा अजद होनाय बायदिक्ला बिटिआरनि दर 4 जिल्लायाव थानाय 3 बोसोरनि गेजेराव एमजिएनरेगानि सिडव गासै 650 कौटिनिबो बांसिन जाख्ल 'नाय जादों। रइज्यो सभानि बारग' एमपि एबा इउपिपिएलनि बारग' आफादगिरि उर्खाव गेरा ब्रह्मआ फोरमायथिनाय बायदिक्ता दर 4 जिल्लानि सिडव थनाय गुबुन गुबुन जायगायावनो इउपिपिएल दोलोआ जालानाय बे गेनाखों संदान्‍नो थाखाय सिबिआइनि संदान्नायखों हास्थायदों। मुस्लि ब्रह्मआ बुडोदि, खुंथायाव थनाय समाव बिपिएफ दोलोआ गोबांथार जाख्ल 'नाय खालामबेदों। बेखायनो बे जाख्ल 'नायखों सरकार गोखों रहाजों संदान्‍नानै बे गेनाजों लोब्बा थानाय सरकारि मावसुमा आरो रजखान्थियारि बिथिजों लोब्बा गीनां सुबुंफोरखों साजा होनांगो होन्‍नानै दाबि दैखाडे। इउपिपिएल दोलोआ ओन्सोलाव गोजोन आरो थासारिजों लोगोसे नोगोरगिरिफोरनि जौगालु हाबा-हुखाफोरखों मावफुंजानायखों हास्थायदों होन्‍नानै मुस्लि ब्रह्मआ मख 'यो।

गुबुन फारसे बिपिएफ दोलोआबो बिटिआरनि मोन 40 बियाबनि सिडव थनाय गुबुन गुबुन ओन्सोलफोरवनो थाबैवो बिसायख 'थि खुंनो दाबि दैखानानै उखैहाव सोमावसारो। कक्राझार जिल्लानि सिडव गुदियै बावखुंग्रि, देबरगाव, बनरगाव आरो सालाकाटियाव बिपिएफ दोलोआ गावबा-गाव ब्लक कमिटिनि दैदेन्नायाव सोमावसारो। सालाकाटियाव जानाय बिपिएफ दोलोनि बिसायख 'थि नागिरस्तानै सोमावसारनाय हाबाफारियाव देरहासार बसुमतारिया बाहागो लादों। बेबायदिनो दनेश्वर गयारि, गिलबार बरगयारि आरो गुबुन गुबुन बिपिएफनि मावथिफोरा बाहागो लायो। कक्राझारनि सिल्ड्रेन पार्कनि साखाथियाव जानाय सोमावसार हाबाफारियाव बावखुंग्रि बियाबनि बिपिएफ दोलोनि बिजाथि दनेश्वर गयारिया फोरमायनाय बायदिक्ला बिपिएफ दोलोआ गोग्गो सुबुं खान्थि रहाखों हास्थायनानै अक्‍टर दाननि गेजेरजों बिसायख 'थि खुंनो दाबिदिखांबेदों। अदेबानि रइज्यो सरकार गोसो जानानै गावसिनि रजखान्थियारि मुलाम्फानि थाखाय बिसायख 'थिखों फावसयनायनि अजद लाबोयो। बिपिएफ दोलोआ बिसायख 'थि खुंनांगौनि दाबिजों सोमावसार हाबाफारिखों लालांबाय थागोन होन्‍नानै गयारिया मिथिहोदों □

### थानाय 17 बोसोरनाडै गेना खालामनायनि हेंथायै

### इउपिपिएल दोलोया धर्ना हाबाफारि खुंदों

(*□ १ बिलाइनिफ़्राय*) आरो इउपिपिएलनि गेजेराव मैखोम सोमावसारनायखों नुनो मोन्‍नाय जायों। बिपिएफ दोलोआ लानाय सोमावसार हाबाफारियाव महात्मा गान्धीनि सावगारियाव बिबार बावनानै थाबैवो बिसायख 'थि खुंनो दाबि दैखाडे। गुबुन फारसे महात्मा गान्धी ग्रामीन रजगार गेरेंन्टि एक्ट 2005 एवा गुसुडै एमजिएनरेगानि आवथयाव थनाय जब कार्डनि गेनाखों सिबिआइनि गेजेरजों संदान्‍नानै बे गेनायाव लोब्बा थनाय सरकारि बिबानगिरिफोरजों लोगोसे जाख्ल 'नायजों लोब्बा थनाय साफ़्रोमखोंवो गौजै थाखोनि संदान्‍नानै साजा होनो दाबि दैखाडे। बे गेनाजों लोब्बा थनायफोरखों सिबिआइनि गेजेरजों संदान्‍नो दाबि दैखानाय हाबाफारियाव जब कार्ड आरो बेंक पासबुकफोरखों मुलाम्फा मोनगिरिफोरनि आखायाव गथायफिन्नांगो होन्‍नानै दाबि दैखानाय जायो। सालाकाटि सिखोना ब्ल्कबनि साखाथियाव लानाय सोमावसार हाबाफारियाव जागयनायनि सिगां महात्मा गान्धीनि सावगारियाव आलारि बाथि फोजोंजेनो सालाकाटि ब्लक इउपिपिएल फोसावदिं दैदेन आफादनि आफादगिरि महत बसुमतारिया। बेनि उनाव बिबार बावजेनो 12 नं सालाकाटि बियाबनि इउपिपिएलनि बिजाथि लाजु मुसाहारिया। थानाय 17 बोसोर नाडै हाग्रामा महिलारि दैदेन्नाय बिपिएफ दोलोनि गेना खुंथायनि सायाव गोखों रवजों बिबुंथि लाखिनानै सोंखारियो इउपिपिएल दोलोनि दैदेनगिरि अंसिन्त नाजरीजों लोगोसे नृत्त आलम, रजिज बसुमत्तारि, रविन हासदा आरो अमुक्का बसुमतारिया। बिपिएफ आरो इउपिपिएल मोनैवो रजखान्थि दोलोआनो 'खाथि-खाथि मोखांजों-मोखां लानाय बे सोमावसार हाबाफारिया सालाकाटि ओन्सोलाव बयजोंवो सावरायजादों। मोनैवो रजखान्थि दोलोनि बिसायख 'थियारि दावहाखों लानानै रइजो-रजाफोरनि गेजेराव गोबां सावरायजासोदों □

### मुलुगनाडै:77.81 लाख करना रोगिफोरा फाहामथाय लानांगसिनो दऽ

(*□ १ बिलाइनिफ़्राय*) बेबायदिनो मुलुगनाडै थैनो गीनां जादों 10.27 लाख सुबुंफोरा। बोहैथि समसिम मुलुगनाडै 77.81 लाख सुबुंफोरा मुलुगनि गुबुन गुबुन फाहामसालिफोराव फाहामथाय लागसिनो दऽ। बेनि गेजेराव 99 जौखोन्दो एवा 77 लाख 81 रोजा सुबुंफोरखों सरासनस्त्र लैक्षोन मोन्‍नायनि बेरेखायै १ जौखोन्दो एबा 66,054 रोगिफोरनि देहानि थ्सासिखों गोब्राब नुनो मोन्दों। बेनि गेजेराव 14,190 गोब्राब रोगिफोरा आमेरिका आरो 89५४ सा रोगिफोरखों भारतयाव नुनो मोन्‍नाय जादों □

### प्राइज मानि एटलेटिक्स बादायलाय-

### नायखों गिबि मन्थिआ बेखेवनानै होबाय

(*□ १ बिलाइनिफ़्राय*) नि थाखाय सोमजिनाय गोब्राब थासारियाव कभिडनि प्रटकलफोरखों मानिनानै सोलिना खुंजानाय बे गेलेमुआनो जाबाय भारत बर्षनि गेजेराव खुंजानाय गिबि गेलेमु हाबाफारि। बे गेलेनायाव रइज्योनि दर 3१ जिल्लानि गासै सा 132 गेलेगिरिफोरा गासै मोन 5 गेलेमु हाबाफारियाव बाहागो लागोन। बेयाव बाहागो लानानै देरहासार जानाय गेलेगिरिफोरनो सेथि-नैथि आरो थामथि बान्था महैरु 10,000 , 6,000 आरो 4,000 बान्था महैरु गथायनाय जागोन।

गेलेमु हबवाफरिखों बेखेवनायनि सिगां गिबि मन्थिआ माहारिनि बिफा महात्मा गान्धीनि सावगारियाव बिबार बावजेनो। बिथाड गेलेमुखों बेखेवना होना कभिडनि गेजेरावनो खुंजानाय बे गेलेमु हाबाफारिया गेलेगिरिफोरखोंवो थुलुंगाखां होनायजों लोगोसे थैहाबनानै थानाय गेलेमुनि आबहावाखों थांखांहोफिनगोन होन्‍नानै मिर्जिथिनाय फोरमायो। बेबायदिनो नरेन्द्र मदिनि खेल इन्डिया, फिट इन्डिया बायदि हाबाफारिफोरखों रयखानानै गेलेमुआ गोसो आरो मेलेम आरो गोखों खालामनायनि अनगाथैवो देहा सोलेरखों गोग्गोयै लाखिनाययनि मोनसे जंक्त्ता होन्‍नानै गिबि मन्थिआ फोरमायदों। ड० एम अंगमुतुआ बराय बिबुंथि लाखिनाय बेखेव हाबाफारियाव गुवाहाटी जौगखां बिफाननि मन्थि सिद्धार्थ भत्ताचर्य्न्, रइज्यो सभानि एमपि भुवनेस्वर कलित, गुवाहाटी लक सभा बियाबनि एमपि कुइन उझा आरो गुबुन गुबुन दैदेनगिरिफोरा दफायोमोन □

### बिबि इन्जिनियारिं कलेजयाव

### सिगां आरो जोंसार हाबाफारि बेखेवदों

(*□ १ बिलाइनिफ़्राय*) बोहोनो मख 'जानाय हाबाफारिया जानानै थाडे। हाबाफारिखों मिरु सरकारनि सुबुं सम्पद जौगाखां बिफानआ मिरुनि सोलोंथाय बिफाननि सिडव थनाय अल इन्डिया काउन्सिल फर टेकनिकेल इडुकेसननि जुथाय हाबाफारि लानायजों खुंफुं जायो। बे बेखेव फोर्बोंयाव आबहावा, साबंसिखोन, इ-फालांगि, देहा, मुलि, आबाद बायदि खोन्दोफोरा जायगा मोनो। मिरुनि सुबुं सम्पद जौगाखां बिफाननि बिबानगिरि आरो एनआइएसपि क-अर्डिनेटर ड० मेदालसन रहांजों लोगोसे बिबि इन्जिनियारिं कलेजनि गोरगुं ड० कमल कुमार ब्रह्मआ मिथिहोनाय बायदिक्ला बे हाबाफारियानो आसामनि गेजेराव गिबिसिन लाजानाय हाबाफारि। ड० रंहाया फोरमायदोंदि, बेबायदि हाबाफारि लानायनि गेजेरजों दिहुन्थाय आयदानि सायाव सुबुं सांग्रांथि लाबोनानै मोनसो गोग्गो आबहावा दानो थाखाय लाबोनाय जादों □

### बिटिसिनि बिसायख 'थि खुंनो दाबिनानै बिपिएफआ धर्ना खुंदों

(*□ १ बिलाइनिफ़्राय*) जिल्लानि बागानपार ब्लक बिपिएफनि बान्जायनायजों खुंजानाय उखैहाव सोमावसार हाबाफारियाव बाहागो लानानै बागानपारा बियाबनि बिपिएफनि बिजाथि पलिन्द्र बसुमतारिया थाबैवो बिसायख 'थि खुंनो दाबि दैखांदों। मुस्लि बसुमतारिया दाबिनाय बायदिक्ला बिपिएफ दोलोनि आदर्शआ महात्मा गान्धीनि आदर्श बायदिनो, जायनि थाखाय रावजोंवो नांज्लाय-खमज्लाय खालामा बिपिएफ दोलोआ। अदेबानि बिसायख 'थि आयगआ बिहाराव बिसायख 'थि खुंनो सम आरो अक्ट फोसावनायजों लोगोसे मिजयम आरो महाणष्टयावबो बिसायख 'थि खुंनो हायोक्ला बिटिसिआव मानो खुंनो हाया होन्‍नानै सोंथि दिखाडे बागानपारनि बिपिएफ दोलोनि बिजाथि पलिन्द्र बसुमतारिया □

## सालबारियाव बिपिएफआ धर्ना सोमावसारदों

(*□ १ बिलाइनिफ़्राय*) खुंनाय, बिटिसियाव राइज्यो बेंगिरिनि खुंथाय समखों बारायनाड आरो बिटिसियाव सुबुं खुंथायखों रैखाथि होनायनि दाबि दैखाडे। बिपिएफनि सालबारि जिल्ला आफादनि दैदेनगिरि आरो बारग' एमएलए मिलन बर', हान्जानि सालबारि बियाबनि बिजाथि जय मुसाहारि, बिपिएफनि दैदेनगिरि भुवनेस्वर गयारि, चरत शर्गियारि, दिलीप शर्गियारि, तिकेन बसुमतारिमोनजों लोगोसे गोबां हान्जानि दैदेनगिरि आरो मावफारियाफोराबो बाहागो लानाय सोमावसारनाय हाबाफारियाव दाबिखों लानानै स्लगान होयो □

## हादतयाव कभिडजों सन्देर जानाय पजिटिभ केसआ 63 लाखनि बांसिन जाहैबाय

(*□ १ बिलाइनिफ़्राय*) दिहुन्नायनि फारसेनो नांथाबगासिनो दं। बेनि गेजेराव रिलाइन्स लाइफ साइन्जेसआ मोनसे रैखाथि गीनां आरटि-पिसिआर किट दिहुन्नो थाखाय थियारि जादों। सुलुंनि बादिक्ला बे किटनि गेजेरजों 2 घन्टानि गेजेरावनो सुबुंनि देहायाव थनाय कभिड भाइरासखों मिथिनो हागोन। रिलाइन्स कम्पानीनि बिबानगिरि सुलुंनि बादिक्ला दासान्दि आरटि, पिसिआर टेस्ट खालामनायनि गेजेरजों कभिड-१9 सन्देरनायखों मिथिनो थाखाय 24 घन्टा सम नांगौ। बेबायदि जेंनाखों नेजोर होनानै मुकेश आम्बानीनि दैदेन्नाय रिलाइन्स कम्पानीया 2 घन्टानि गेजेरावनो मिथिनो हानाय किटखों दिहुन्नो थांथिब लादों। इन्डियान काउन्सिल फर मेडिकेल रिसार्च सुदयै आइसिएएमआरआ कभिड-19 खों थाबैवो हम्दानों हानाय बादियै कम्पानीनि थांथि लनायखों गनायथि होनायबो जादों। नाथाय दासिम काउन्सिलआ बे किटनि डिजाइनखों खालामाखै। हादतयाव सानफ़्रोमबो कभिड-१9 जों सन्देरजानाय गोदान-गोदान पजिटिभ केसखों मोन्‍नो हानानै दासिम 63 लाखनिबो बांसिन सुबुंफोरा भुगिनांनानै थानायनि गेजेराव जिउ गोमानाय सुबुंफोरनि अन्जिमाया १ लाख जाहैबाय □

## गान्धीनि जोनोम सानखों लोब्बा लाखिनानै बिफां फुलि गायनाय, साखोन-सिखोन हाबाफारि खुंदों

(*□ १ बिलाइनिफ़्राय*) फुलिनि थाखाय बेरा हेबनायबो जायो। लाइमोन समाज मावफारि अशक कुमार राय, करुना कान्त राय, रुपकुवर राय, कबिसन राय, सतिश रायमोननि जरखायै नाजानायाव बे खामानिआ जाफुंसारदों। दफां फुलि गायनाय आरो बेखों जोथोन लानाया जोबोद गीनांथार खामानि आरो बे खामानिफोरखों थानाय माखासे साननिफ़्रायनो गामियाव मावबेदों होन्‍नानै लाइमोन समाजनि मावफारि अशक कुमार रायआ बुडोे। बिफां-लाइफ़ांआ जोंखों फिफाइ-सामथाइ होनायजों लोगोसे जौनि थाना थनायव गोनांथारै अन्क्सिजेन होयो होन्‍नानै बुडोे लाइमोन समाजनि गुडुन सासे मावफारि करुना कान्त रायआ। जिल्लानि सदर कक्राझार सहरावबो भारतीय जीबन बिमा निगम कक्राझारनि ब्रान्स मावख 'निफ़्रय साखोन-सिखोन खालामनाय हाबाफरिखों खुंनाय जायो □

## गान्धीजीनि अहिंसा खान्थिजों गोजेोन आरो गोखों समाज दानो थाखाय गिबि मन्थिआ फोसावदों

(*□ १ बिलाइनिफ़्राय*) लोब्बयै गिबि मन्थिआ आसाम कादि बर्डनि गाहाय मावख 'नि लांगोनायाव थनाय गान्धीजीनि मुसुखायाव बिबार माला गानहोनानै मान बाउयो। बेनि लोब्बायै खुंनाय गेवलां मेलयाव गाहाय आलासि महैरु बाहागो लानानै गिबि मन्थि सर्वानन्द सनवालआ बुडोदि, गान्धीजीया अहिंसा खान्थिजों दुलाराय सुबुं समाजखों फोजैखोंहोनानै जैरेबायदि आदर्श गायसन्‍नानै होलांबाय बे आदर्शजों जों साफ़्रोमबो आवगायनांगोन। हारिनि बिफाया अहिंसा खान्थिजों गोखों इराजफोरनि हेंथायै हादतखों दैदेन्‍नानै भारतखों उदांभि़ खालामना होलांबाय आरो भारतबर्षनि मान थाखोंखों रैखाथि होनानै हादतनि गोखों गोहो दिन्थिफुनायनि लामा दिन्थिलांबाय। बाफुजीनि आदर्शया आसामनि बिखायाबो खोसेथिनि जायगा लानानै गोखों नाजानायजों आत्म्निभर आसाम दानायनि थाखाय साफ़्रोमबो बे गोथार हाबाफारियाव बाहागो लानांगोन होन्‍नानै गिबि मन्थिआ बुडोे। गान्धीजीनि स्वराजनि आदर्शजों भारतवर्षखों मोनफ़्रोमबो बिथिडवबो आत्म्निभर खालामनायनि थाखाय गाहाय मन्थि नरेन्द्र मदिआ फोसावनाय बाश्चाखों रायखानानै गिबि मन्थिआ बे दावबायनाय हाबाफारियाव साफ़्रोमखोंवो बाहागो लानो थाखाय फोसावयो। कभिड-१9 नि गोसारनायखों दबथायनो थांथिजों फोसावनाय लकडाउडनि समाव जेब्ला गुबुन गुबुन बाहायजाग्रा बेसादफोरा बन्द जादोंमोन बे समाव गाव गावनि गोहोनि गेजेरजों माबायदि दैदेन्‍नानै सिगां फासं थानांगो बे बाश्चाखों भारतनि साफ़्रोमबो सरासन्ना सुबुंफोरानो मोजाडैमिथिनो हदाों होन्‍नानै रायखाना गिबि मन्थिआ गाहाय मन्थि मदिनि फोसावनायखों बोजबनानै आरो हेफाजाब होनानै सुबुंफोरखों दिहुन्थायनि फासं बांसिन गोसो होनांगौनि फोसावनाय जादों। गिबि मन्थिआ आसाम कादि बर्डआ थानाय बोसोरफोराव दिहुन्थायनि बिथिंफोराव जाफुंसारनो हानायनि थाखाय बेनि बिबानगिरिफोरखों साबायखर होयो। आसामखों मोनफ़्रोमबो बिथिंनिफ़्राय दरसे दावगाफु राइज्यो होन्‍नानै रायखाना गोखों नाजानाय आरो गावयारि गेरोहों रौ राइज्योखों गोरोबनानै खोसेथिनि गेजेरखों सिगां फासं लानांगो होन्‍नानै गिबि मन्थिआ बुडोे। गावनि बिबुंथियावनो हिंसाया समाजखों लोरबां खालामनायनि अनगाथैवो दिने मुलुगनि दुलाराय सुबुं समाजयानो गान्धीजीनि अहिंसा खान्थिखों लानानै मोनसे गोजोन समाज दानायनि लामायाव सिगांबेदों होन्‍नानैवो बुडोे। बापुजीनि गोथार जोनोम साननि समावनो मुलुगनां अहिंसा सान महैरु जुथाय हादतया फालिनायनि राहा खालामदों होन्‍नानै गिबि मन्थिआ बुंबावदों। गिबि मन्थिआ मावबिबान हारिमुनि गेजेरजों दिहुन्थायखों बांसिन खालामनानै राइज्योखों दरसे गोखों राइज्यो हिसाबे दाफुनायनि थाखाय दिनेनि बे गोथार सानावनो साफ़्रोमखोंवो बिबान लालानो फोसावयो। हाबाफारियाव बिबुंथि लाखिनानै आसाम कादि बर्डनि मासिगिरि ड० कमला कलिताआ गिबि मन्थि सर्वानन्द सनवालनि फारियै त्रैथि खेब कादि बर्डनि गेजेरजों खुंफुंनाय गान्धी जयन्तीनि हाबाफारियाव बाहागो लानानै बर्डनि बिबानगिरि आरो कर्मसारिफोरखों बे बिथिडव थुलुंगाखां होनायनि थाखाय साबायखर जासियो □

## एमजि एनरेगायाव सोमजिनाय गिलु-बालु जाख्न 'नायखों सं दान्नांगौनि दाबिजों इउपिपिएल दोलोआ सालबारियाव सोमावसारदों

(*□ १ बिलाइनिफ़्राय*) आरो मावथिफोरा सालबारि जिल्ला इउपिपिएलनि बान्जायनायाव फुंनि 8:00 रिगानिफ़्राय जागयनानै बेलासिनि 2:00 रिगामिम सालबारि महकुमानि बेंगिरिनि मावख 'याव आखायाव प्ले कार्ड आरो बेनार लानानै जथुम सोमावसारो। बे सोमावसार हाबाफारियाव महात्मा गान्धी राष्ट्रिय' ग्रामीन रजगार गेरेंन्टि आइन 2005 एवा गुसुडै एमजिएनरेगायाव सोमजिनाय जब कार्डनि गेना आरो जाख्ल 'नायखों सिबिआइनि गेजेरजों संदान्नांगो होन्‍नानै मैखोम दाबि दैखाडे। बे सोमावसार हाबाफारियावनो गेनायाव लोहाबोनाय सुबुंफोरनि हेंथायै सरकारि राहा बायदियै माखासे साक्त्रिआवलाफोरखों आइनारि राहा लानो दाबि दैखानायजों लोगोसे मुलाम्फा मोनगिरिफोरनि आखायाव जब कार्डजों लोगोसे बेंक पासबुकफोरखों दिहुन्‍नानै हरफिन्‍नो दाबि दैखाडे। बिटिसियाव जालानाय एमजिएनरेगानि बे गेनायाव बिपिएफ दोलोनि माखासे दैदेनगिरि आरो मावथिफोरा थोंजों लोब्बा थानायनि अजद लाबोना इउपिपिएल सालबारि बियाबनि बिजाथि बिन्द मुसाहारिया जाथायखों सिबिआइनि गेजेरजों संदान्नांगो होन्‍नानै दाबि दैखाडे। बे सोमावसार हाबाफारियाव इउपिपिएलनि दैदेनगिरि फारियै साहजान आलि आहमेद, जगेश्वर बसुमतारि, हानिफ आलि, कनक चन्द्र बर, प्रदिब सरकार, सत्यजित बर', बिउति बसुमतारि, गरसान दासमोनहाबो बिबुंथि लाखिनानै बिपिएफ दोलोनि सायाव बायदि रोखोमनि अजद लाबोयो। 6 घन्टानि बे सोमावसार हाबाफारियाव इउपिपिएलनि दैदेनगिरि आरो मावथिफोरा हाग्रामा महिलारि दैदेन्नाय बिपिएफ दोलोनि हेंथायै आरो एमजिएनरेगायाव जालानाय गेनाफोरखों गोखें रहाजों संदान्‍नो दाबि दैखानानै बायदि स्ल 'गानजों सालबारि ओन्सोलखों गोमखंहोयो। बे सोमावसार हाबाफारिनि गेजेरजोंनो एमजिएनरेगायाव सोमजिनाय गेना आरो जाख्ल 'नायखों संदान्नांगौनि दाबिजों महकुमा बेंगिरिनि गेजेरजों हादतनि गाहाय मन्थि, आसामनि रइज्यो बेंगिरि आरो गिबि मन्थिनिसिम गोसोखां बिलाइ दैथायहरो। सोमावसारगिरिफोरा गान्धीनि सावगारिखों सिगाडव दोनानै बायदि स्ल 'गानजों जालानाय गेनानि थार बिजिरनाय मोन्‍नो बायदि स्ल 'गान होयो □

### जोनोम सानाव माहारिनि बिफा गान्धीखों गोसोखानानै गिबि मन्थिआ मान बाउदों

(*□ १ बिलाइनिफ़्राय*) जिल्ला खुंथायनि बानजायनायाव गान्धी मन्डपआव खुंनाय मोनसे गेवलां आरज खालामनाय मेलआव गिबि मन्थिआ बाहागो लायो। बेनि उनावनो गान्धी मन्डपआव सहैनागै खौरंगिरिफोरनि सिगाडव लाखिनाय बिबुंथिआव गिबि मन्थि सनवालआ बुडोदि, गान्धी जोनोम साननि लोब्बायै मुलुगनि दुलाराय सुबुं समाजआ दिने बापुजीनि मुसुखायाव मान बावनाय आरो पुजिनायखों नुनो मोन्दों। बापुजीआ जोंखों मोनफ़्रोमबो अहिंसा खान्थिजों समाज दानायनि खामानिआव बिबान लानायनि थाखाय लामाखों दोनलांदों। गोग्गो आरो गोथारै जिउ दानायनि थाखाय बापुजीआ आदर्श होलांदों। बापुजीनि साखोन-सिखोन सिमानि आदर्शखों लानानै गाहाय मन्थि नरेन्द्र मडिआ सुबुंफोरखों बे लामाजों थानायनि थुलुंगाखां होनायाव जाफुंसारदों। बापुजीनि आदर्शआ दर्से साखोन-सिखोन भारत दाफुंनारयनि दावबावनायाव गाहाय मन्थि नरेन्द्र मडिआ हादतनि सुबुंफोरखों खोंसे खालामनो हानायजों लोगोसे सुबुंफोराबो बे हाबाफारिखों गोसो-गोरबोजों आजावना लादों। गान्धीजीनि आदर्शआ आसामनि बराक-बुलुंबुथुर बिखायाव थनाय साफ़्रोमबो थाखोनि सुबुंफोरखों गोजेोन-खोंसेथिखों गोजैरै लाखिनानै मोनसे गोखों समाज दानायनि थाखाय गिबि मन्थिआ फोसावदों। फैबाय थनाय लाइमोनफोरनि गेजेराव गान्धीजीनि आदर्शआ मोनसे सांग्रांथि होलानो हागोन होन्‍नानै गिबि मन्थिआ बुडोे। गाहाय मन्थि नरेन्द्र मडिनि दैदेन्नायाव गान्धीजीनि आदर्शजों मुलुगनि बिखायाव भारत हादतखों मुलुग दैदेनगिरि हिसाबै फसंथाननायनि दावबायनायाव भारतनि सुबुंफोरा साखा-फारा होन्‍नानै रायखाना गिबि मन्थिआ साफ़्रोमबोनि गोरोबनाय आरो खोंसेथिनि गेजेरजों खामानि मावोक्ला ज

## इउजारजों बुरै होनजानायनि गोख्रों खुद्रिखांदों आशा नेगीआ



**गोदान दिल्ली, 2 अक्ट'बर:** तिथि श्व पबित्र रिस्तानि फावखुंघ्रि आशा नेगीआ ससेल मिडियाआव गोबां एक्टिभ थायो। बियो गावनि सावगारिफोर आरो भिडिअफोरखौ ससेल मिडियाआव शेयार खालामबाय थायो। आथिखालाव आशाया गावनि मोनसे सावगारिनि जाहोनआव खौराडव थादों। बावैसो समाव फावखुंघ्रिआ गावनि अफिसिएल इनस्टाग्राम एकाउन्टआव मोनसे सावगारिखौ शेयार खालामदोंमोन, जायखौ लानानै बिखौ टूल खालामदों। आशाया बे टूलनि आखु दिन्थिनायखौ बाख्नायदों आरो लोगोसेनो गोख्रों बाध्राबो बुंदों। फावखुंघ्रि आशा नेगीनि परस्टआव बे सुबुड लिस्टदोंदि, ऑथिया जादों बुरिबाय, जुलि जादो, नॉनिफ्राय बांसिन इन्जुरआ लाइमोनसिन। बे टूलनि मेसेजखौ शेयार खालामनानै आशाया लिस्टदोंदि, जेव्हा केसा साइबर बुलीनि अक्ला आखु दिन्थिप्रायाबो जर'खा जानांगौ। आशानि बे परस्टनि उनाव आथिखालआव बिनि लोगोफोरा बिनि हेफाजाबआव गोख्रों बाध्रा बुंदों। आशानि लोगो एक्ता कापुरआ लिस्टदोंदि, नौखौ मोजां नुदों। जुलिआ जेबो रोखोमनि एन्टि एस क्रीम नड।

## इन्टारनेसनेल एमी एवार्डनि थाखाय दिल्ली क्राइमखौ सोसनफाबाय

**गोदान दिल्ली, 2 अक्ट'बर:** वेव सिरिज दिल्ली क्राइमखौ इन्टारनेसनेल एमी एवार्ड 2020 नि थाखाय सायख'दों। बिब्दियाव सिरिजआव नुनो मोन्नाय फावखुंघ्रि रसिका दुगलआ हमदादोंदि, सिरिजआ मख'जाथाव आरो सांग्रांथिखौ बानायनानै बे जाफुंसारनायखौ मोनो हादों। रसिकाया खौरां बिजोडव फोरमायदोंदि, आं हमदादोंदि दिल्ली क्राइमआ मोनसे गोबां सांग्रांथि गोनां आरो सानै हयै बानायनाय प्रजेक्ट। मोगथाडरि महरै बेनि सायाव हाबाफारि मावनायाव गौरबखौ मोन्दांथियो। रसिकाया बुंवावदोंदि गाव गोबां रमास्त्रिक जादों मानोनो बेयो बे सिनाथिखौ मोनसिगोन, जाय बेखौ मोन्तो मोन्थाय दड। बे सिरिजआ बेस्ट ड्रामा सिरिज थाखोआव अर्जेन्टिना, जार्मानी आरो इडकेनि श्व'जों लोगोसे हरिमायारि एमिजआव



बादायलायसिगोन। श्व'नि गिबि सिजेनआव 2012 आव जानाय निर्भया जिनाहारि केसनि सल'खौ दिन्थिनाय जादोंमोन। रशिकाया बुंवावदोंदि, केसआ गावनो गाव मोनसे फुरा सल'। निर्भया जिनाहारि केसआ गोबां सुबुंफोरनियाव गोथौयै गोहोम खोख्रैदों। बेयो गिख्रंथाव आरो खैफोद गोनांमोन। मोनसे समाजयारि महरै जों बेखौ

बावनो नड। जों गोसोआव लानां'गौनदि समाजयारिनि बाहागो महरै बे रोखोमनि दायखौ जाहोदों। बेनि अनगायै बेयो मोनसे पुलिसनि गोसो बोनो हानाय दिल्ली ब्रह्म सिरिज। बेयो मोनसे ऑरैबायदि नेमखाथिजों बानायनाय, जाय मख'जाथाव आरो बेखौ गोबां गोत्राबै सामलायनांदों। गोबां सांग्रांथिजों बे आयदाखौ दिन्थिदों।

## हाथरस गंगरेपखौ बिजेपि एमपिआ दायनिगिरिफोरखौ सुबुंफोरनि सिगाडवनो गुलिजों गावथारनो दाबिदों



**इनारग्राम, 2 अक्ट'बर:** उत्तर प्रदेशनि हाथरसआव 19 बोसोर बैसोनि सासे आइजोखौ इनारै जिनाहारि खालामनानै बुथारनायाव हादत नाडै बिग्रायखांदों। बेनि गेजेरजों हादतनि माखासे बाहागोयाव दायनिगिरिफोरखौ हाइड्राबदनिर दरबाराव साजा होनो दाबि दैखांगसिनो दड। बेराफासं, बे केसनि सायाव राजखान्थियाबो सोलिगासिनो दड। बेनि गेजेरजों बेरेखा दोलोआ उत्तर प्रदेशनि यगी

सरकारखौ सोंखारिगासिनो दड। बेरेखा दोलोल' नड, आथिखालाव बे जाथाइनि सायाव भारतआरि जनता पार्टी (बिजेपि) नि दैदेनिगिरिफोराबो बिग्रायखांनयखौ दिन्थि गासिनो दड। अदेबानि सोनाब बंगनि बिजेपिनि एमपि लकेट चेटार्जीआ बे केसनि सायाव बिग्रायनाय दिन्थिदों। बेनि गेजेरजों सोनाब बंगनि हुगली लकसभा बियाबनि बिजेपिनि एमपि लकेट चेटार्जीआ बुडोदि, बेयो

जेबो राजखान्थियारि आयदा नड। उत्तर प्रदेशनि हाथरसआव सासे फिसाजोनि सायाव जानाय जाथाया गोसोखौ सोमावग्लुडे, थानानै थानानि मिजिंखौ सिफायो। बिखौ ओरै बायदि इनारै जिनाहारि खालामनानै बुथुरदों। बेनिखायनो दायनिगिरिफोरखौ एसेबो रेहाय होनो नाड। लोगोसे बिथाड बुंवावदोंदि, दायनिगिरिफोरखौ सुबुं समाजनि सिगाडव लोबोनानै गुलि गावनांगौ। अदेबानि बिजेपिनि एमपिआ बेयाव आथिखालाव गनाय जानाय आबाद सोदांनय बिलनि मदतआव सोलिबाय थानाय रेलिआव बाहागो लागासिनो दडमोन। बिथाड बे गासै बाध्राखौ रेलिनि उनाव मिडियाजों जानाय मोगा-मोगियाव बे बाध्राखौ बुडो।

## शाननि देंखोयाव माखासे सुबुंफोरा दासिमबो जावलिया जायो

**गोदान दिल्ली, 2 अक्ट'बर:** बलिउड देंखोगिरि शानआ 2 अक्ट'बर 1972 माइथायआव जोनोम मोन्-दोंमोन। ऑरैनोथ' बिनि आबुं मुड शान्तनु मुखार्जी नाथाय बियो सुबुंफोरनि गेजेरव शान मुंजों मुंदांखा। बियो बलिउडनि मुंदांखा देंखोगिरि बिनि देंखोनि सायाव सुबुंफोरा दासिमबो जाडलिया। बियो बलिउडनि थाखाय गोबां मोजां देंखोफोरखौ रोजावबाय। बियो हिन्दी सावथुनफोरजों लोगोसे बेगली, माराठी, उर्दु, तेलुगु आरो कन्डु रावफोरवबो देंखो रोजाबदों। देंखोनि अनगायै बिखौ माखासे रियेलिटि टिथि श्व'आव नुनो मोन्दों। आथिखालआवबो शानआ मोनसे रियेलिटि श्व'आव जाजनि फाव खालामनो हागौ। शनआ देंखो 'तन्हा दिल' खौ गोबां समायनायै देंखो आरो मिड जिक कजों लोगोसे फोरमायदों। बे देंखोआ दासिमबो 'खोनासंनयाव



जेसेबानो गोजोन्नायखौ होयो जेव्हा बे देंखोआ सोराडव फेदोंमोन। बे देंखोआ गोबां दोहौ सोमजिहोदोंमोन। सुबुंफोरा शाननि जाडलिया जादोंमोन। 'मुसु मुसु हासी' देंखोखौ 1999 मायथाइआव रिलिज जानाय सावथुन 'प्यार में कभी कभी' नि थाखाय बानायनाय जादोंमोन। मिनिनायनि सायाव बानायनाय बे देंखोआ रोजावग्रा सुबुंफोरनि महराव गोलेयैनो मिनिनायखौ लाबोयो। बे देंखोखौ खोनासं होनानै जायखि जाया सुबुंनि रागा जोंनायखौ जानगार होनो हायो। सावथुन 'फाना'नि

बायदिनो बेनि 'चान्द सिफारिश' देंखोआबो सुबुंफोरखौ गावनि जावलिया खालामो। आमिर आरो काजलनि गेजेरजों बानायनाय बे देंखोआबो जायखि जाया सुबुंखौ देंखोआव गोमोहाबनो थाखाय नारसिनो। शानआ बे देंखोखौ गोबां मोजाडै रोजाबदों। 10-12 बोसोरनि हे शना' गोजाम देंखोखौ दासिमबो गोदान बायदि मोनो। दासिमबो सुबुंफोरा बे देंखोखौ गोबां गोसो होसारनानै खोनासडो। बेयो शाननि गारनि जाडु। बे देंखोखौ सावथुन 'तारा रम पम' नि थाखाय बानायदोंमोन।

## सुपारहीर' शक्तिमानखौ गिदिर पर्दायाव लाबोनो थियारि जाबाय दिहुनगिरिआ

**गोदान दिल्ली, 2 अक्ट'बर:** बलिउड मुंदांखा फावखुंघ्रि मुके श खान्नानि बयजोंबो मोजां मोनजानाय सिरियाल शक्तिमान आव सावथुन बानायनो थियारिया सोलिगासिनो दड। सिरियालआव मुकेश खान्नाया शक्तिमान आरो गंगाधर बिद्याधर मायाधर अन्कारनाथ शास्त्रीनि मोन्ने फावखौ दिन्थिदोंमोन। जायखौ गोबां मोजां मोन्दों। आथिखालाव बे श्व'नि फेन्सफोरनि थाखाय मोजां खौराड बेदि मुकेश खान्नाया शक्तिमानआव सावथुन बानायनो थांखि लादों। रिपर्टनि बायदिब्ला बे सावथुनखौ मोन 3 बाहागोआव बानायनाय जागोन आरो शक्तिमाननि जागायनायखौ लानानै जोबथासिमनि दावबायनायखौ दिन्थिनाय जागोन। फोरमायनाय बायदिब्ला, बे सावथुनआव कृष्ण आरो राबन' निफ्रायबो देरसिन जागोन। शक्तिमाननि गिबि पार्टखौ 2021 आव रिलिज खालामनो हागौ। सावथुननि सल'खौ गथ'फोरनि बेंखन्थायाव बानायनाय जागोन आरो मोजांआनो गाजिनि गेजेरजों देरहायो, बे थीमआनो सोलिबाय थागोन। आथिखालाव दासिमबो मुकेश खान्नाया बे सावथुनआव शक्तिमाननि फाव खालाम मोन्ना खालामा बेयो रोखा जायाखै। सावथुनखौ लानानै मुकेश खान्नाया बुंदोंदि, बेयो माबेबा सिमानि खम नड। बे सावथुननि थाखाय गिदिर फावगिरिखौ नागिरदों। जेव्हा सिम बेयो रोखा जाया अक्लासिम जायखि जाया रोखोमनि फोसावनो हाया।



## गाहाम देहानि राहा

### देहायाव भिटाविन इनि बिबां बाडइ जानायखौ फोलोमनो हानायनि राहा

एभ'काड फिथायआ देहानि थाखाय मुलाम्फा गोनां मानोना बेयाव सुगारआ गोबां बाडइ थायो आरो बेयाव गोबां पुस्टि मोन्नाय जायो। 100 ग्राम एभ'काडआव 2.67 मिलिग्राम भिटाविन इ थायो। एभ'काडआव मोन्नाय भिटाविन चि बायदि पुस्टि गोनांजों जानाय आदारआ दोगोन



जरखायै फालेंआव भिटाविन इ खौ मोन्नाय जायो। 100 ग्राम फालेंआव 2.03 मिलिग्राम भिटाविन इ मोनो। जायजों जोंनो सानफ्रोमबो गोनांथि जानाय इ भिटाविननि 16 जौखोन्दो बाहागोआ फुरा जायो। ब्रकलीआ जॉनि देहानि साबजायै कलेस्ट्रल थामहिनबा एलडिएलखौ बाडइ खालामो। ब्रकलीया

जानायव मदत होनो, लोगोसे बेयाव थालिरनिखुइ बांसिन पटिसियाम थायो। बुंनाय जायोदि, गोथां मैंगफोरा देहानि थाखाय गुन गोनां। बेफोरनि मोनसे मख'जाथाव मैंगआ जाबाय फालें मैंग। बेयाव माखासे गोनां भिटाविनफोर आरो खनिआरि मुवाफोराबो गोबां बिबांनि थायो।



प्रतिनि फुंखा लोगोसे बेयाव भिटाविन इ खौबो आबुडै मोनो। ब्रकलीखौ रुनानै जायोब्ला देहानि थाखाय मुलाम्फा गोनां जायो। मख'जाथावदि, 100 ग्राम बादाम जायोब्ला 25.63 मिलिग्राम भिटाविन इ खौ मोनो। बेनिखायनो बेखौ जानायनि हुदा खालामनाया मोजां। बादामखौ गुन्दै खालामना गाइखेरजोंबो गलायना लोंनो हायो।

## 15 अक्टबरनिफ्राय थियेटारफोरा खुलिसिगोन



**गोदान दिल्ली, 2 अक्ट'बर:** करनानि गेजेरव आनलक-5 नि गाइडलाइन्सखौ बुधवारखालि फोसावबाय। मिरुआ 15 अक्ट'बरनिफ्राय सिनेमा हल आरो माल्टिप्लेक्सखौ खुलिनो गनायथिबो होबाय।

माल्टिप्लेक्स, थियेटार आरो सिनेमाखौ गोहो बादियै 50 जौखोन्दो मासि थानाय के पासिटिजों खुलिनाय जागोन। बेनि थाखाय मिरुआ एसअपि फोसावगोन। बे खौरांखौ मोन्नानै टाउननि स्टारफोरा रंजाखांदों।

बयनिबो सिगां अभिषेक बच्चनआ टुइट खालामदों आरो बेखौ सप्ताहनि साबसिन खौरां होन्नानै बुंदों। थियेटारआव रिलिज जानाय देग्लायनि जोबथा सावथुनआ इरफान खाननि इराजि मिडियाममोन, बेनि उननिफ्रायनो 35 सावथुनफोर अटिटिआव रिलिज जाखांबाय। अक्ट'बरआवबो मोन 5 सावथुनफोरखौ अटिटिआव रिलिज खालामगोन जायनि अक्ट'बोबो फोसावखांबाय। बिब्दियाव गाइडलाइन फे नायनि उनाव साबसे प्रडिउसारआ सावथुनखौ थियेटारआव दिन्थिगोन आरो साबसे आ मोननैबो प्लेटफर्मआव दिन्थिगोन बेयो मोनसे गेदेर सोंथि।

## आइजो आरो उन्दैफोरा करनजों गात्रिसिनै गोहोम गोग्लैदों : हर्ष बर्धन



**गोदान दिल्ली, 2 अक्ट'बर:** मिरुनि गाहाम देहा मन्थि हर्ष बर्धनआ बुंदोंदि, गाहाम देहानि नेमखाथियाव आथिखालनि करना इनफेक्सननि जाहोनआव गोहोम गोग्लैनायनि गेजेरवबो नाजानाय जादोंदि, आइजोफोर, उन्दै गथ'फोर आरो लाइमोनफोरनि गाहाम देहानि सिबिथायखौ गाहामे होनो हायो। मेटर्नल, निउबर्न एन्ड चाइल्ड हेल्थ (पिएमएनसिएडचिनि मोनसे हाबाफारियाव भिडिअ कनफारेन्सनि गेजेरजों बाहागो लानानै गाहाम देहा मन्थिया बुंदोंदि, करनानि गोहोमजों बांसिनै आइजोफोर उन्दै गथ'फोर आरो लाइमोनफोरा भुगिनांदों आरो बेनि थाखाय थाबैनो राहा लानाया गोनां। हर्ष बर्धनआ बुंवावोदि, गर्भबती आइजोफोर आरो जोनोम जागोदान उन्दै गथ'फोरनो सिबिथाय राहा जगायना होयैखौ सहायनाय जानाय नड।

## आमेरिका, रुस आरो फ्रान्सआ आर्मेनिया आरो आजरबैजानखौ दावहा दोन्थ 'नो नार्सिनहरदों

बाकु, 2 अक्ट'बर : फ्रान्स, रुस आरो आमेरिकानि हादतगिरिआ अजरबैजान आरो आर्मेनियानि दावहाखौ गोबाव खालामा लासे दोन्थ 'नो थाखाय बाध्रा बुंदों। नाथाय तुर्कीआ गोहो गोरा दर 3 हादतनि बाध्रा बुंनयखौ नेवसिगारनानै बुंदों, बिसोरनि गोजोन नाजानायनि थाखाय गोनांथि गैया। बे दावहायाव बिसोरों जेबो हाबाफारि मावयाखै। नागरन कराबाख हाजोयारि ओन्सोलखौ नोजोर लाखिनो थाखाय 1992 याव फ्रान्स, रुस आरो आमेरिकया मिस्क ग्रुप बानायदोंमोन। 19 91-1994 सिम बे ओन्सोलाव दावहा जानायाव सा 30 रोजा सुबुंफोरा थैदोंमोन। बे खेबयाव दावहा जानायाव गोबां सुबुंफोरा थैदों

दरथामबो हादतफोरनि आखाय होनायखौ हेंथा होदों आरो बुंदोंदि आमेरिका, रुस आरो फ्रान्सआ 40 बोसोरसिम बे जेनाखौ नोजोर होयाखै। बेनि थाखायनो बिसोरनि दावहा दोन्थ 'नो बाध्रा बुंनया गनाय जाथावयै। आथिखालाव दावहाखौ दोन्थ 'नाय जागोन जेन्ना आर्मेनिया गावसोरनि दखल खालामनाय नागरन-कराबाख ओन्सोलखौ हगारना थांगोन। एर्दगननि बेबादि बिबुंथि होनायजों नाट आरो दावहा दोन्थ 'नाय ओन्सोलाव जेंनाया बांदों। मख 'नो गोनांदि, रासिया आर्मेनियाआव सांथ्रि स्टेसन

## खाथि बादियै चीननो रेहाय होनायखौ पप फ्रान्सिसआ हास्थायदों

गोदान दिल्ली, 2 अक्ट'बर : रमान केथलिक चार्चखौ चीनआव 60 बोसोरसिम होबथाना दोनबाय। बिब्दियाव भेटिकाननि फार्सेंथिनफ्राय चीनजों सावरायज्जलयनानै राहा दिहुन्नो नाजादों। पप फ्रान्सिसआ गावनो बे गासै जाथायखौ नोजोर लाखिदों। चीनआव गोदान मुगाखौ गायसनगिरि माव से तुंगनि देदेनायाव कम्प्युनिस्ट पार्टीनि खुंथाय सामलायनार्यनि एसे उनावनो चीननि फार्सेंथिनफ्राय 1951 आव भेटिकानजोंबो सोमोन्दोखौ नागरदोंमोन। चीनआ गावनि हादतनि थाखाय गावनो मोनसे चीननि केथलिक आफाद जादों। भेटिकानआ



बेखौ गनायथि होयैआव चीननि फसंथानआ गावनो बिशप सायख 'नायनि खामानिखौ जागायबाय मुगुगनाडेनि चार्चनि गाहाय थिसन्यायफोरखौ पपआ गनायथि होयोब्लाबो, भेटिकाननि बे नेमखाथियाबो

चीनआव सोलिया। रमनि फार्सें फोथायनाय गोनां केथलिकफोरा चार्च लुनो जागायदों नाथाय बेइजिआ बेखौ आयेन बेरेखा मानिनानै बेबायदि चार्चखौ बुफाय होदों आरो रमनि सगिरिफोरा इनाय-अनागारजों

मोगा-मोगि जानादों। पप फ्रान्सिसआनो गोबाव बोसोरनि उनाव चीनजों जाफुंसारनो हानाय बादियै सावरायनो जागायनाय गिबि पप। बिनि सिगां पप जन पल आरो पप बेनिडे क्टआबो बेबायदि नाजादोंमोन। नाथाय सांथ्रिबो नाजानाया जेब फिथाय मोनाखैमोन। पप फ्रान्सिसआ लुबैदोंदि, चीनआ चीनआ गावनि नेमखाथियाव माखासे रेहाय होयो आरो फिन खेबसेआव भेटिकान खुंथायखौ चीनआव बिशप थिसन्यायनि मोन्थायखौ गथायफिनो।

## भारतीय सांथ्रिफोरा 10 लाख गोदान माल्टिमड हेन्ड ग्रेनेड मोनसिगोन



गोदान दिल्ली, 2 अक्ट'बर : रैखाथि मावख 'या भारतीय सांथ्रिनो 10 लाख माल्टिमड हेन्ड ग्रेनेडखौ जगायना होनो थाखाय इकनमिक एक्सप्लसिभ लिमिटेड (इएएल) आरो सलार ग्रुप नागपुरजों लोगोसे मोनसे रादाय खानायाव मुंसायदों। बे रादाय खानायनि राडा 409 कौटि। बे हेन्ड ग्रेनेडखौ बुथारनाय आरो शक होनो थाखाय बाहायनाय जागोन। गोदान 10 लाख हेन्ड ग्रेनेड आ माल्टिमड हेन्ड ग्रेनेड जागोन। बे शुथुरखौ

फोजोबस्रानो थाखाय बाहायनाय जागोन। कभार गोनां हेन्डग्रेनेडया खेफोद गोनांसिन जागोन आरो कभार गैयै हेन्डग्रेनेडनि खेफोदआ खम जागोन। सांथ्रिफोरा माबेबा सन्देह खालाम जाथाव जायगायाव हाबहैनोब्ला बे हेन्ड ग्रेनेडखौ बाहायो। साफ्रामबो सांथ्रिफोरा गाव गावनि आखाइयाव थरनै ग्रेनेड लायो। आथिखालनि ग्रेनेडखौ हेन्डग्रेनेड आरो राइफल ग्रेनेड मोन्तैबो रोखोमै बाहायनो हायो।

## सानसेआव 81 रोजानिखुइ बांसिन करना केस, सा 1,095 जिउ खहा



गोदान दिल्ली, 2 अक्ट'बर : भारतआव करना भाइरासनि गोहोमा सोलिसासिनो दड। बेजों लोगोसे हादतआव इनफेक्सननि केसआ थद 'नाय गैया जासे बारायगासिनो दड। आथिखालाव सानफोमबेनि गोदान केसनि अन्जिमाया दावखोलाय-फासयलाय जानायखौ नुनो मोनाय जादों। नाथाय मोजां खौराड बेनोदि, रिकभारि रेटआव गोखैयै बांगासिनो दड। बेनि गेजेरजों थांनय 24 घन्टानि गेजेराव

इनफेक्सननि 81 रोजानिखुइ बांसिन गोदान केस मोन्नाय जादों आरो बेनि सानसे सिगां 86 रोजानिफ्राय बांसिन केस मोन्दोंमोन। सावसि आरो नख 'र अन्सुंथाइ बिफाननि बायदिब्ला, थांनय बृहस्पतिवारखालि करना इनफेक्सननि सा 81.484 गोदान केस मोन्नाय जादों आरो बे समाव सा 1095 इनफेक्सनजों थैनाय केस मोन्नाय जादों। मख 'नो गोनांदि, गोदान केसनि उनाव हादतआव

हंके, 2 अक्ट'बर: हंकेआव पुलिसआ थांनय बृहस्पतिवारखालि सरकारनि हेंथायै धर्ना होनो नाजाबाय थांनय गोबां सुबुंफोरखौ ग्रेप्टार खालामो। बे समाव पुलिसआ धर्ना होनो थाखाय थांनय थांनय सुबुंफोरखौबो होबथायो। बेनि गेजेरजों हंकेनि गाहाय मावसुमा केरी लेमआ बे जायगायाव गोजोन आरो अरायथाया सोलिफिन्नायनि सायाव गोजोन्नाय फोरमायो। बे बाध्राखौ लेमआ चीननि माहारियारि सानआव खुंनय हाबाफारिआव बुंदोंमोन। बेनि गेजेरजों पुलिसआ डाउन-टाउन ओन्सोलाव सा 50 निक्कुइ बांसिन सुबुंफोरखौ बासआव गाखोनायखौ होबथानानै बिसोरखौ जोबथेसालिआव लाडो। बे सुबुंफोरा आखाइयाव सि खानानै धर्नायाव बाहागो लानो थाखाय थांनय थादोंमोन। बिसोरजों लोगोसे पुलिसआ सांनै लाइमोनफोरखौबो नागिरनो नाजागासिनो दड, जायफोरा लामायाव पेट्रल बम होनानै ट्राफिक जाम खालामनो नाजादों। मख 'नो गोनांदि,



चीननि माहारियारि सानआव धर्ना होप्राफोरा रेली खालामनो नाजादोंमोन। बिसोर सुबुंफोरा थांनय 30 जुनआव हंकेआव चीननि रैखाथि आइन फोसावनायनि सायाव हेंथा होनो आरो थांनय आगस्ट दानआव लैथोमानिफ्राय हमनाय हंकेनि सा 12 सुबुंफोरखौ रेहाय होनायनि दाबि दैखांनो लुबैदोंमोन। हंकेनि सुबुंफोरा लैथोमानि लामाजों ताइवानआव

थांनय थादोंमोन, नाथाय लामा गेजेरावनो बिसोर हमजायो। बे समाव पुलिसआ करना भाइरास इन्फेक्सननि जाहोनखौ फोरमायनानै धर्ना होनो गनायथि होयाखैमोन। बेनि गेजेरजों माखासे जायगाफोराव लामायाव ओंखारनानै सुबुंफोर आरो गलादारफोरा सुबुंतन्नि दाबि दैखांनो थाखाय स्लगान होनायनि खोंरं मोन्दों, नाथाय जेबो धर्ना खालामनायनि खोंरं मोनाखै।

## माय फोथाराव गिबि खेब बिदा किम जंग उनजों किम य जंगखौबो नुदों



थियंयां, 2 अक्ट'बर : सा-करियानि तानाशाह किम जंग उननि बिनानावखौ जुलाइ दाननि उननिफ्राय गिबियै हादतनि मिडियाआव नुनो मोन्दों। बिनि राइज्योआरि हाबाफारिफोर आरो मिडियानिफ्राय जानागारै थांनयखौ लानानै गोबां जेना गोनां बाध्राफोरा नुजाथिदोंमोन। बुंनयबो जादोंमोनदि, खोला करियानि हेंथायै फारियै जेना गोनां नार्सिनन्याय अभियाननि उनाव बिनि गोहोखौ खमायना होना जाबाय। सा करियानि सरकारि मिडियाआव फोसावनाय सावगारियाव किम य जंगखौ गावनि बिदा आरो माखासे बिबानगिरिफोरजों लोगोसे आबाद फोथारआव बेरायनाय नुनो मोन्दों। बे सावगारियाव जंगखौ

सिगांथारआव आरो उनाव माखासे बिबानगिरिफोर आरो बिबानावखौ नुदों। दुब्लिन आलियाव बिसोरखौ सांग्रॉथिये थाबायनाय नुनो मोन्दों। करियानि सेन्ट्रेल निउज एजेन्सिआ फोरमायदोंदि, किम जंग उनआ बिनि बिबानावजों लोगोसे बावैसो सिगां गिखंथाव दैबाना जानानै थांनयनि उनाव फिन लुफिननाय हाबाफोरखौ नायगिदिहै दोंमोन। सा करियाखौ लानानै आमेरिका सरकारनि थाखाय हाबा मावखानाय उदां राजखाथि बिजिरगिरि ससियेल निनयनआ बुंदों, बेरिपर्टआव किम जंग उन आरो बिबानगिरिफोरजों बिनि बिबानावखौ खामायाखै।

## आमेरिकानि हादतगिरि डनाल्ड ट्राम्प आरो बिथानि बिसि मेलानिया ट्राम्पनाव करना पजिटिभ मोन्दों

वाशिंटन, 2 अक्ट'बर: आमेरिकानि हादरगिरि डनाल्ड ट्राम्प आरो बिथानि बिसि मेलानिया ट्राम्पनाव करना पजिटिभ मोन्दों होनानै ट्राम्पआ टुट्ट खालामदों। बेनि सिगां हादरगिरि डनाल्ड ट्राम्पनि खाथि सोमोन्दो गोनां आइजो हेफाजाबगिरि हप हिक्सनाव करना भाइरासजों इन्फेक्सन जानाय मोन्दोंमोन। बेनि उनाव डनाल्ड ट्राम्प आरो मेलानिया ट्राम्पआबो कभिड-19 टेस्ट खालामजादोंमोन आरो बिसोरनि रिपर्टआबो पजिटिभ फैयो। रिपर्ट फैनाय लोगो लोगो बिसोर क्वारेन्टाइनआव थायो। हादरगिरि डनाल्ड ट्राम्पनि काउन्सिलर हिक्सआ बावैसो समाव ट्राम्पजों लोगोसे अहियाव खुंनय गिबि प्रेसिडेन्सिएल डिबेटआव



बाहागो लानो थाखाय थादोंमोन। बेनि उनाव हिक्सनि करना भाइरास टेस्टआ पजिटिभ फैनायनि उनाव बयनिबो नोजोरआ ट्राम्पनि फार्सेल 'थादोंमोन। अदेबानि हिक्सखौ ट्राम्पनि अनगायैबो जेरेड कुशनर, डेन स्केभिन आरो निकलास लुनाजों लोगोसे मरीन बनआवबो नुनो मोन्दोंमोन। मख 'जाथाव बाध्राया बेनोदि, बिसोरनि गेजेराव बै समाव रावबो मास्क गानाखैमोन। सुलुंनि बादिब्ला, हिक्सनि करना भाइरास पजिटिभ मोन्नायनि उनावबो ह्वाइट हाउसआव जेबो जर्'खायै जारिमिनारि थांथि लानाय जायाखै। आथिखालाव ह्वाइट हाउसनि बुंथिगिरि जुड डिरेआ बुडेदि, हादरगिरिआ गावजों लोगोसे आमेरिकानि सुबुंफोरनि थाखाय खामानि मावग्रा गासै सुबुंफोरनि सावसि आरो रेखाथिनि थाखाय रहा लानांगो।

## डनाल्ड ट्राम्पनि गावआरि बोसोनगिरि हप हिक्सआ करना पजिटिभ मोन्दों

वासिंटन, 2 अक्ट'बर : आमेरिकानि बिसायख 'थिआ बारा गोबाव सम गैलिया। बे समावनो डनाल्ड ट्राम्पनि गावआरि बोसोनगिरि हप हिक्सखौ करना पजिटिभ मोन्दों। बेनि उनाव ट्राम्पआबो हप क्वारेन्टाइनआव थाबाय। अदेबानि आमेरिकानि हादतगिरि बिसायख 'थिया 4 नभेम्बरआव जागोन। खौरनि बादिब्ला, डनाल्ड ट्राम्पआ थांनय बृहस्पतिवार मोनानिफ्राय क्वारेन्टाइनआव थादों। बेनि सानसे सिगां ह्वाइट हाउसनि बोसोनगिरि हप हिक्सखौबो करना पजिटिभ मोन्दोंमोन, जायनि उनाव ट्राम्प आरो बिसि मेलानियाआबो करना टेस्ट खालामजादोंमोन। डनाल्ड ट्राम्पआ टुट्टयाव बुंदों, हप हिक्स, जाय दसेबो सम जिरायालासे खामानि मावो बियो करना पजिटिभ जाबाय। बेयो गोमोथाव बाध्रा। दा फार्ट लेडि आरो आनो करना टेस्ट नायजादों। बेनि रिजाल्टआ फैथवाखै अब्लाबो जों क्वारेन्टाइयाव थाबाय। मख 'नो गोनांदि, हप हिक्सआ बावैसो सिगां गुबुन गागि हेफाजाबगिरिफोरजों लोगोसे प्रेसिडेन्ट डिबेटनि थाखाय क्वीवलेन्ड आरो अहियावआव थादोंमोन। जेराव ट्राम्प आरो जो बाइडेननि गेजेराव बाध्रा दान्थेलानायखौ नुनो मोन्दोंमोन।

लन्डन, 2 अक्ट'बर : इडर 'पआ नैथि खोलोबनि गोसारनाय करना इनफेक्सननि बेंखन्थायाव फैगासिनो, ब्रिटेइन, फ्रान्स आरो स्पेइन बायदि हादतफोरारव गोबां गोदान केसफोरखौ नुनो मोनगासिनो। बयनिखुइबो बांसिनै इलेन्डआव करनानि केस मोन्दों। बेयावनि सप्लाहयारि डाटानिफ्राय रोखा जायोदि, गोदान पजिटिभ केसफोराव 61 जोखौन्दो बांदों। फार्सेंथि फ्रान्सआव बुधबारखालि फिन 10 रोजानि बांसिन गोदान बेरामि मोन्दों। स्पेइननि राजथावनि मेडिडिआव इनफेक्सन सन्देरनाया बांनयखौ नोजोर होनानै लकडाउन होनायनि थियारि खालामबाय। सरकार। बे ओन्सोलआव गोनांथार नडै थांलाय-फैलाय एबा हान्था मेलखौ होबथानो बिथोन होदों। इडर 'पआव मेडिडिआववनो करनानि गोहोमखौ बांसिन नुनो मोन्दों।

## इडर'पआव नैथि खोलोबनि करना गोसारनाया गिखंथाव महर मोन्दों

लन्डन, 2 अक्ट'बर : इडर 'पआ नैथि खोलोबनि गोसारनाय करना इनफेक्सननि बेंखन्थायाव फैगासिनो, ब्रिटेइन, फ्रान्स आरो स्पेइन बायदि हादतफोरारव गोबां गोदान केसफोरखौ नुनो मोनगासिनो। बयनिखुइबो बांसिनै इलेन्डआव करनानि केस मोन्दों। बेयावनि सप्लाहयारि डाटानिफ्राय रोखा जायोदि, गोदान पजिटिभ केसफोराव 61 जोखौन्दो बांदों। फार्सेंथि फ्रान्सआव बुधबारखालि फिन 10 रोजानि बांसिन गोदान बेरामि मोन्दों। स्पेइननि राजथावनि मेडिडिआव इनफेक्सन सन्देरनाया बांनयखौ नोजोर होनानै लकडाउन होनायनि थियारि खालामबाय। सरकार। बे ओन्सोलआव गोनांथार नडै थांलाय-फैलाय एबा हान्था मेलखौ होबथानो बिथोन होदों। इडर 'पआव मेडिडिआववनो करनानि गोहोमखौ बांसिन नुनो मोन्दों।



ब्रिटिसनि गाहाय मन्थ्रि बरिस जनसनआ करनानि गोहोमखौ होबथानो नाजानानै गोखों होबथानायफोरखौ फोसावदों। इलेन्डआव 17 निफ्राय 23 सेप्टेम्बरसिमाव 31 रोजा 373 इनफेक्सन जानाया डाटायाव दैखांजादों। ब्रिटेइनआव गासै 4 लाखनिबो बांसिन इनफेक्सन जानाय मोन्दों। बेयाव सा 42 रोजानि बांसिन जिउ गोमाबाय। रासियाआवबो गोदान सेकफोरखौ गोबाडै

मोनगासिनो दं। गहाम देहानि बिबानगिरिफोरनि बादिब्ला, बै हादतआव 12 जुननिफ्राय लानानै थांनय बृहस्पतिवार 1 अक्ट'बरआव बयनिखुइबो बांसिन 8,945 गोदान करना पजिटिभ मोन्दों। बेखौ लाफानानै गासै करनानि केसआ 11 लाख 85 रोजानिबो बांसिन जाबाय। बे केसफोरनि 2,424 आ राजथावनि मस्कनि। बै हादतआव गासै 20 रोजा 891 थैबाय।

# आइ पि एलनि गेलेबावनाय मेचखौ जेन्दों किंस इलिभेन पान्जाबआ

**दुबाइ, 2 अक्टबर :** थानाय सिजननि इन्डियान प्रिमियार लिगखौ देरहानाय मुम्बाइ इन्डियानसआ थानाय हरनि समाव गेलेनाय मोनसे आइ पि एलनि मेचखौ गोखौ गेलेनाय देरहानो हादों। 13 थि सिजन आइ पि एलनि गेलेनाया दासान्दि हान्जाफोरनि गेजेराव फारियै सोलिबाय थानायजों हान्जाफोरनि गेजेराव गोखौ जुजिलायबाय थानायखौ नुनो मोननाया थानाय हरनि समाव रहित समानि हान्जा दैदेननायाव मुम्बाइ इन्डियानसआ मेसखौ 48 राननि फारागथियाव किंस इलिभेन पान्जाब हान्जानि हेंथायै देरहानो हायो। मुम्बाइ इन्डियानसआ सिगां बेटिं खालामनानै गासै मोनब्रै उइकेट खोमाना 20 अभावाव 192 राननि टार्गेटखौ बेरेखा हान्जानो होनो हायो। हान्जानि गोबां रां बुधुमनायाव केपेन रहित शर्माया 45 बलआवनो 70 रानखौ खालामनो हायो। बे राननि टार्गेटखौ मोननै किंस 11 पान्जाबआ के एल राहुलनि दैदेननायाव सिगानिफ्रायनो गोखौ गेलेनो नाजानायाव फारियै उइकेटखौ खोमाना लानो गोनां जायो। जाहोनाव मोननै उइकेट खोमानानै गासै 143 रानखौल' खालामनो हायो। गेलेनायाव पान्जाब हान्जानि मिजिथिजानाय



गेलेगिरि केपेन केएल राहुल, मायांक आग्रवालमोनहा थाबेनो गेलेनायनिफ्राय बिदाइ लानानायाव हान्जाया रान बुधुमनायनि फासै गोबां जेनायाव गोखौ आरो बेबादि समावनो हान्जानि माखासे गेलेगिरिफोरनो गाव-गावनि गेलेनायखौ गोबाव सम गेलेनो हायैजों हान्जाया मुम्बाइनि टार्गेटखौ खालामनो हानायाव एबा समान-समान रुजुनो हानायाव फेलें जायो। पान्जाबनि जानानै केएल राहुलआ 17 रानखौ खालामनो हायो। फासैथिं मुम्बाइनि सोलो गोनां बलिं खालामनायनि जाहोनाव पान्जाबनि मिजिथिजानाय गेलेगिरि ग्लेन्ड मेक्सवेलआबो बे मेसआव फिन फेलें

जानायखौसो नुनो मोनो। बांसिन गेलेगिरिफोरनो रान खालामनायनिफ्राय फेलें जानायाव हान्जाया जोबथा समाव लासै गेलेनायनि गेजेरजों मेचखौ फोजोबनो गोनां जायो। मख'नो गोनांदि, मुम्बाइ इन्डियानसनि जानानै केपेन रहित शर्माया गावनो फारियै सोलिबाय थानाय आइपिएलनि मेचआव गोखौ गेलेनो हानायखौ नुनो मोननायजों लोगोसे हान्जाया देरहानानै दासिम आइपिएलनि नैथि फारिलाइयाव जायगा लानानै दड। मुम्बाइनि जानानै अल राउन्डार बेटसमेन किरन पलाडआ 20 बलआव 47 रान, हार्दिक पन्डियाआ 11 बलआव 30 रानखौ खालामनो हानानै

गावनि गोखौ गेलेनायखौ दिन्थिनो हादों। रहित शर्माया हान्जानि थान्थि बादिथै मेचखौ देरहानो हानायाव गोजेरजों फोरमायदों। मुम्बाइ हान्जाया बेखेवजेनाय मेचखौ जेनांनयनि उनाव दासिम बे जागायजेनाइ आइपिएलआव नैथि खेव मेचखौ देरहानो हानायाव जाफुसार्दों।

**माद्रिद, 2 अक्टबर:** थानाय सिजननि ला लीगाखौ देरहानो हानायनिफ्राय फेलें जानायनि उनाव सोलिफु लीगनि गेलेनाय मेचफोरखौ फारियै देरहानो हानायखौ नुनो मोन्दों बासिलना क्लाबआ। ला लीगानि थानाय हरनि समाव गेलेनाय नैथि मेचखौ लियनेल मेसिनि दैदेननायाव बासिलना क्लाबआ सा 10 गेलेगिरिफोरनि गेजेरजोंबो सेल्टा भिग' क्लाबनि हेंथायै गोलेथै देरहानो हादों। बासिलनाया हान्जानि मिजिथिजानाय गेलेगिरिफोरनि गेलेनाय आरो गल होनाय हेफाजाबआव सेल्टा भिग' क्लाबखौ 3-0 गलआव फेजेनो हायो। मख'नो गोनांदि, गोदान कच र्नाल्ड कमेन्टनि हान्जा दैदेननायाव गेलेजेनाय मेचखौ बिल्ला रियेल क्लाबनि हेंथायै गोबां गलआव देरहानो हानायनि उनावनो ला लीगानि थानाय हरनि समाव गेलेनाय नैथि मेचखौ थान्थि बादिथै देरहानो हायो। बासिलना आरो सेल्टा भिग' क्लाबनि गेजेराव गेलेनाया सिगानिफ्रायनो गोखौ जानायजों बासिलनाया खाबु मोननायाव फारियै गलखौ होनो हायो। हान्जानि लाइमोन गेलेगिरि अनसु पत्तिआ मेचनि 13 मिनिटआव सिगां गलखौ होनो हादोंमोन। बेनि उनाव आवगायनो हानायजों हान्जानि केपेन लियनेल मेसिआ नैथि गलखौ जोसन्नो हायो। बेबादिनो गेजेर समाव मोननै हान्जानि गेजेराव गेलेनाया आरोबाव गोखोडै सोलिबाय

# गुवाहाटीयाव शुटिं एकाडेमि फसंनो थाखाय एसएएआ एनआरएआइजों गोरोबथा जाबाय

**गुवाहाटी, 2 अक्टबर:** राइज्योनि लाइमोन गेलेगिरिफोरखौ मुलुगनां शुटिं रेन्जआव लानायनि थान्थिजों आसामनि स्पर्टस अथ'रिटाआ भारतनि नेसनेल राइफलस ए स 'सि ए स न जे' बृहस्पतिबारखालि गोरोबथा जाबाय। बे गोरोबथानि गेजेरजों आसामनि गुवाहाटी नोगोरमायाव गंसे शुटिं एकाडेमि गायसनगोन आरो बे शुटिंनि रेन्जखौ काहिलीपारायाव फसंनाय जागोन होन्नानै मिबथिनाय जादों। आसामनि स्पर्टस अथ'रिटाआ सुलुडाव फोरमायनाय बादिब्ला, राइज्योनि शुटिं गेलेगिरिफोरखौ सिगां फासै लानायनि थान्थिजों फोरोंथाय होनो थाखाय थान्थि लादों। शुटिंनि रेन्जखौ खुंथायनि आरो सरकारनि गेजेरजों जौगाखां होनायनि थाखाय हाबाफारि



लादों होन्नानै बुडे। मख'नो गोनांदि, एसएए आरो एनआरएआइजों जारिमिनारि गोरोबथा जानायनि सम सिमनाया बा बोसोरनि थाखायल' जागोन। नाथाय बेनि उनाव फारियै गोरोबथा खालामलांबाय थानो हागोन होन्नानैबो गोरोबथायाव रायखानाय दड। एसएएआ आरोबाव मिबथिहोदोंदि, बोसोरसेयाव एनआरएआइआ

मोनसे माहारियारि थाखोनि शुटिं सेम्पियनसिपखौ राइज्योआव खुंनाय जागोन। आसामनि शुटिं गेलेमुनि गुबुन गुबुन राहाफोरखौ बारायहोनाय आरो गेलेगिरिफोरनि मेडेलखौ बारायहोनायनि थान्थिजों काहिलीपारायाव शुटिं रेन्जखौ फसंनाय जागोन होन्नानै मिबथिहोयो। मख'नो गोनांदि, आसाम राइज्योनिफ्राय दासिम माहारियारि थाखोनि गेम्स,

एसियान गेम्स, कमनवेलथ गेम्स आरो अलिम्पिक गेम्सआव बाहागो लानायनि गेलेगिरिफोरनि अन्जिमाया जोबोद बाडाइ। जायनि थाखाय फेगौ समाव बे शुटिं एकाडेमिनि गेजेरजों आसाम आरो सा-सान्जानि शुटिं गेलेगिरिफोरनि थाखाय मोनसे मोजां केरियार दानायनि खाबु मोनो हागोन होन्नानै सान्नाय जादों।

# सा 10 गेलेगिरिफोरनि गेजेरजोंनो बासिलनाया मेचखौ देराहादों

# रबार्ट लिवानडस्कीआ इउफानि बोसोरनि साबसिन गेलेगिरि बान्थाखौ आजावबाय

**लन्डन, 2 अक्टबर:** थानाय सिजननि सेम्पियन्स लीगआव गोखौसिन गेलेनो हानानै हान्जानि देरहानायाव गोनांथार बिफाव लानाय गेलेगिरि रबार्ट लिवानडस्कीआ दिने इउफानि साबसिन बोसोरनि फुटबल गेलेगिरि बान्थाखौ आजावनो हाबाय। मख'नो गोनांदि, बेयान मिउनिकनि स्ट्राइकार लिवानडस्कीजों लोगोसे मेन्चेस्टार सिटि क्लाबनि गेलेगिरि केबिन डि बुइने आरो बेयान मिउनिकनि गल किपार मेनुएल नेवारआबो बे माननि बोसोरनि फुटबल बान्थाखौ आजावनो हादों। थानाय सिजननि सेम्पियन्स लीगआव पलेण्डनि गेलेगिरि रबार्ट लिवानडस्कीआ गासै मोन 15 गलखौ मिउनिक क्लाबनि जानानै होनो हादोंमोन। अदेबानि मुलुगनि गुबुन गुबुन क्लाबनि गेलेगिरिफोरनि गेजेराव लिवानडस्कीआबो हान्जानि जानानै बांसिन गलखौ होनो हानायनि थाखाय इउफानि बे माननि बान्थाखौ आजावनो



हादोंमोन। बेनि अनगायैबो रबार्ट लिवानडस्कीआ बुन्डेस लीगानि गेलेनायाव मोन 31 मेचआव मोन 34 गलखौ होनो हानायाव जाफुसार्दों। बेजों लोगोसे जार्मान कापनि गेलेनायावबो मोन 6 गलखौ होनो हादोंमोन। बेयान मिउनिक क्लाबनि थानाय सिजननि फुटबल बादायलायनायनि टूर्नामेन्टखौ देरहानो हानायाव रबार्ट लिवानडस्कीआ गोनांथार गेलेगिरि महरै जायगा लानो हादों। मुलुगनि देरसिन क्लाब थाखोनि फुटबल

बादायलायनाय सेम्पियन्स लीगआव गोखौ गेलेनाय गावखौनो मुलुगनि गेजेराव बांसिन गल होनो हानाय गेलेगिरि महरै दिन्थिनो हाबावदों। फासैथिं थानाय सिजननि आइजो सेम्पियन्स लीगखौ देरहानाय गेलेगिरि पार्नेली हार्दरआबो बे बोसोरनि इउफानि साबसिन आइजो फुटबल गेलेगिरि बान्थाखौ आजावनो हायो। दासिम सेल्सि क्लाबनि आइजो गेलेगिरिआ नैथि खेब बे माननि बान्थाखौ देरहानो हानायाव जाफुसार्दों।



थानाय समाव बासिलना क्लाबनि डिफेन्डर क्लिमेन्ट ललितआ गात्रि गेलेनायाव रेफारिजों रेड कार्ड दिन्थिजानानै गेलेनायनिफ्राय ओंखारनाडो। जाहोनाव बासिलनाया सा 10 गेलेगिरिफोरनि गेजेरजोंनो उननि समखौ गेलेनाडो। अदेबानि

जोबथा समाव हान्जानि गेलेगिरि सेर्गि रबार्टआ थामथि गलखौ जोसन्नो हानानै मेचखौ बासिलनाया देरहायो। फारियै नैथि खेव गेलेनाय मेचखौ देरहानो हानायजों बासिलना क्लाबनि गेलेनाया आरोबाव गोखौसिन जाबावगोनखौ फेगौ

मेचआव मिजिथिदों। गुबुन फासैथिं ला लीगानि गेलेबावनाय मोनसे मेचआव रियेल माद्रिदआ बलादलित क्लाबखौ गलसेयाव फेजेनो हायो। बे गेलेनाय मेचआ मोननैबो हान्जानि गेजेराव जोबोद गोखौ जुजिलायनायखौ

नुनो मोन्दोंमोन। नाथाय नैथि हाफटाइमनि 65 मिनिटआव रियेल माद्रिदनि गेलेगिरि बिनसियसआ गलखौ होनो हायो। बेनि उनाव बलादलित क्लाबआ गलखौ होफिन्नो नाजाथाबदोंमोनोब्लाबो नाथाय रियेल माद्रिदआ जोबथा समाव बे गेलेनाय मेचखौ देरहानो हायो। रियेल माद्रिदआ दासिम फारियै मोनथाम मेचआव देरहानायजों गासै 7 पइन्टजों आवगायनो हादों। अदेबानि पइन्टनि फारिलाइयाव माद्रिदआ दासिम थामथि सारिआव जायगा लादों। ला लीगानि गेलेबावनाय गुबुन मोनसे मेचआव एथेलेटिक माद्रिदआ मेचखौ डूआव गेलेयो। बेजों लोगोसे आरोबाव गेलेबावनाय मेचआव बिल्ला रियेलआ एलबेस्ट क्लाबखौ 3-1 गलआव फेजेनो हायो।

# आइपिएलआव रहित शर्माया 5,000 रान आबुं खालामबाय

**दुबाइ, 2 अक्टबर:** हादरनि बाइजोआव दासान्दि सोलिबाय थानाय भारतनि इन्डियान प्रिमियार लीगनि गेलेनाया गुबुन गुबुन हान्जाफोरनि गेजेराव गोखोडै सोलिबाय थानायजों माखासे गेलेगिरिफोरनि रान बुधुमनो हानायखौ नुनो मोन्दों। बेनि गेजेराव मुम्बाइ इन्डियानस हान्जानि केपेन रहित शर्माया गावनि गेलेनायखौ अराय सम



हादोंमोन। मिबथिनाय बादिब्ला, रहित शर्माया गासै 192 आइपिएलनि मेच गेलेनाय बे आबुं रानखौ खालामनो हानायाव जाफुसार्दों। रहित शर्माया आइपिएलनि गेलेनायाव दासिम मोनसे सेन्सुरि आरो मोन 37 हाफ सेन्सुरि रानखौ खालामनो हादों। आइपिएलआव बयनिखुइबो बांसिन रान खालामनो हानायनि फारिलाइयाव रहित शर्माया दासिम हादरनि थामथि गेलेगिरि जानो हादों। बेनि उनाव चेन्नाइ सुपार किंगस हान्जानि गेलेगिरि सुरेस रइनाया 193 मेचआव गासै 5,368 रानखौ खालामनो हादों। बेनि सिगां सारिआव रयेल सेलेन्जार बंगालुरु हान्जानि केपेन बिराट कहलीआ बे राननि रेकर्डखौ खालामनायाव सेथि बेटसमेन जानो हादों। कहलीआ गासै 183 मेचआव दासिम 5,430 रानखौ खालामनो हादों।

# फ्रेन्स अपेननि गिबि राउन्डआव जेन्नांबाय भारतनि डेभिच चरनआ

**पेरिस, 2 अक्टबर:** मुलुगनि गुबुन गुबुन हादरनि गेलेगिरिफोरनि गेजेराव सोलिबाय थानाय फ्रेन्स अपेननि गिबि राउन्डआव गोखौ गेलेनायनि गेजेरजोंबो जेन्नांबाय भारतनि गेलेगिरि डेभिच चरनआ। हौवाफोरनि डबल्स गेलेनायाव भारतनि चरनआ खोला करियानि गेलेगिरि कुनचुनजों लोगोसेथै गेलेदोंमोन। नाथाय फ्रेन्स अपेननि गिबि राउन्डनि मेचखौ भारत आरो खोला करियानि डबल्स गेलेगिरिआ आमेरिका-क्रएशियानि गेलेगिरि आस्टिन आरो स्कुगरनि आखाइयाव जेन्नां गोनां जायो। बे मेचखौ भारत आरो खोला करियानि डबल्स गेलेगिरिआ गासै 6-2, 4-6, 6-4 सेट पइन्टआव जेन्नाडो। बे मेचखौ गोखौ गेलेनायने बिसोर सानै गेलेगिरिआ नैथि सेटखौ लानो हादोंमोनब्लाबो उननि जोबथा सेटखौ जेन्नांनयनि



जाहोनाव टुर्नामेन्टनिफ्राय ओंखारनाडो। मख'नो गोनांदि, थानाय दानआव गेलेनाय इउएस अपेनआवबो भारतनि डेभिच चरनआ गिबि राउन्डनि मेचखौ जेन्नां गोनां जादोंमोन। बे मेचआव भारतनि गेलेगिरिआ सार्वियायनि गेलेगिरि निकला काकिसनि हेंथायै जेन्नांदोंमोन। दासान्दि सोलिबाय थानाय फ्रेन्स अपेनआव भारतनिफ्राय रहन बपन्नाया फ्रेन्स अपेननि गिबि राउन्डनि मेचखौ कानाडाडनि गेलेगिरि डेनिसजों लोगोसेथै गेलेफागोन। गावनि गिबि मेचखौ देरहानो हागोननि फोथायनाय लाखिदों बपन्नाया। भारत-कानाडाडनि गेलेगिरिआ गिबि राउन्डनि मेचखौ गेलेगिरि जेक आरो बासेफनि हेंथायै मोगा-मोगि गेलेगोन।

गोखोडै दिन्थिनो हाबोनायनि गेजेरजों थानाय हरनि समाव गेलेनाय मेचआव 70 रान खालामनो हानायनि हेफाजाबजों गावनि आइपिएल गेलेनाय केरियारआव दासिम 5,000 रानखौ आबुं खालामनो हाबाय। आइपिएलनि थानाय हरनि समाव गेलेनाय मेचआव मुम्बाइ इन्डियानसआ केपेन रहित शर्मानि गोबां रान खालामनो हानायनि हेफाजाबआव मेचखौ देरहानो